

光緒重修安徽通志

重修安徽通志卷五十一

輿地志

古蹟八

潁州府

汝陰故城今府治秦置縣屬潁川郡漢屬汝南郡史記漢高祖六年封夏侯嬰爲汝陰侯後漢更始二年封宗室信爲汝陰王是也三國魏始置汝陰郡自是州郡皆治此竇宇記隋大業末郡城爲賊房獻伯所陷郡人江子建設柵爲險以禦之唐武德四年平王世充子建舉州來屬詔授子建信州刺史卽其柵處築城謂之信州城東南距故州城十里貞觀二年復爲潁州移入汝陰舊城宋開寶六年移汝陰縣治於州城東南十里後復舊元至元二年省舊志今州有二城南城土垣周五里有奇相

傳汝陰故城也北城甃石修砌周四里有奇洪武中所築二城相連並爲州治

寢邱城在府治西北一百二十里元和郡縣志孫叔敖子辭肥饒而請寢邱卽此

東城西城俱在府治西北七十里五樟林兩城相去三十里相傳唐置府兵築城屯守於此

唐屯城在府治西南一百七十里龍項灣東相傳南唐時劉仁贍築

永安故城在阜陽縣西南唐武德四年於汝水北岸置永安縣屬信州六年與州俱廢舊志永安故城在潁州西南一百四十里汝水北岸其北三里又有縣治子城

清邱故城在阜陽縣東隋置隋書地理志汝陰郡清邱梁曰許

昌胤開皇十八年改名曰清邱唐書地理志貞觀元年省清邱入汝陰竇宇記清邱城在汝陰縣東五十六里州志在潁水北岸旁有清邱故名

地里城在阜陽縣西南一百十里汝水北岸元至順閒置潁水縣於此至正閒廢

平輿故城在阜陽縣南魏書地形志潁州有平輿安城等縣梁置屬汝南郡齊周時廢舊志平輿故城在潁州南百里北枕谷

河周五六里土城尙完俗呼爲遠城按平輿漢縣南北朝亦謂之懸瓠城高齊縣廢隋析

新蔡復置唐宋因之以今輿地考之在河南汝南府汝陽縣東南六十里與潁境縣隔其故城不應在阜陽

任城在阜陽縣北三里元和郡縣志陳將任忠伐齊於潁水北岸築城以圍汝陰故名府志俗呼蠻奴寨蠻奴忠字也

潁上故城在今潁上縣南卽古鄭城也梁普通六年裴邃拔魏

鄆城汝潁閒皆響應隋書地理志梁置下蔡郡後齊郡廢大業三年於故鄆城置潁上縣舊唐書地理志潁上縣隋置治古鄆城武德四年移今治元和郡縣志潁上縣西北至潁州一百七十里本漢慎縣地寰宇記鄆城在今潁上縣南慎縣故城在潁上縣西北左傳哀公十六年吳人伐慎楚白公敗之漢置慎縣屬汝南郡後漢建武二年改封宛王賜爲慎侯尋復爲縣魏正元二年毋邱儉討司馬師兵潰自項夜走慎縣晉屬汝陰郡劉宋改置慎縣於合肥屬南汝陰郡此城遂廢其地在今縣西北四十里江口鎮

甘城在潁上縣北後漢建武二年封族子敏爲甘里侯章懷太子曰潁州潁上縣西北有甘城通典故甘城梁置下蔡郡有關吳魏以來爲關防津濟之所縣志今爲甘城驛

武陰城在潁上縣東南正陽鎮土城周三里被水頽廢俗謂之張飛城與劉關二城相對

荆亭城在潁上縣西南六十里劉宋泰始五年汝陰太守楊文萇破魏兵於荆亭卽此魏書地形志汝陰郡宋縣有荆亭城水經注潁水經荆亭北而東入淮

段家城在潁上縣西北六十里相傳段靈君築又有淇城在縣東三十里

西正陽城在潁上縣東南六十里元董文炳築兩城以遏宋兵後譌以爲先主城關王城金史有正陽鎮李氏說在縣東南七十里其近此歟

安豐故城在霍邱縣西南九十里漢置縣在今河南固始縣界三國魏置安豐郡於此晉安帝時省爲縣屬弋陽郡劉宋末復

立寔宇記安豐縣在霍邱縣西南一百三十里梁天監元年移於霍邱成城東北大同元年改爲安豐州此城遂廢又廢安豐州在縣南四十里東魏天平二年入梁大同元年徙舊安豐郡於此置州太清二年又入東魏北齊天保七年廢州爲縣遂於無期村置安豐縣在縣東南三十八里屬楚州隋開皇三年移就芍陂下此城遂廢

陽泉故城在霍邱縣西漢置屬六安國後漢屬廬江郡靈帝中平六年封黃琬爲侯國晉爲廬江郡治宋廢後魏又僞置汝陰縣於陽泉城尋廢魏書地形志淮南郡汝縣有陽泉城寔宇記廢決口縣在縣西五十五里梁普通七年於陽泉古城內立決口縣大通三年改爲臨水縣其城卽古陽泉縣泉從縣西南北流入決口城在泉水之陽故名

陽石城在霍邱縣南亦曰羊石梁天監五年廬江太守裴邃克魏羊石城胡三省通鑑注羊石城在廬江西北霍邱東南

蓼城在霍邱縣東三十里虞夏之際以封皋陶春秋時蓼國地唐武德四年於霍邱置蓼州

箕子城在霍邱縣開順鎮又有紂王城在縣東南二十里又有墩城在縣南七十里

廢義城在霍邱縣北四十里寰宇記宋高祖立亦名三固縣後廢縣立戍縣志今有義城臺在縣東北三十五里高十丈廣八十丈爲戍守之所

譙縣故城今亳州治春秋陳焦邑史記周武王封神農之後於焦左傳僖公二十三年楚成得臣帥師伐陳遂取焦夷杜注焦今譙縣也秦置譙縣漢屬沛郡後漢書郡國志豫州刺史治譙



中平四年曹操生子丕於譙魏黃初二年改建五都譙其一也  
晉仍爲譙郡治大甯二年祖約退保壽春而譙陷宋書州郡志  
譙郡徙治蒙有陳畱郡寄治譙郡界魏書正始四年營田大使  
范紹以徐豫二境民稀土曠譙城形要之所更立一州名曰南  
兖治譙城中興元年南兖州民王乞德劫刺史劉世明以州降  
梁明年梁將元樹入據譙城改州曰譙州元和郡縣志魏南兖  
州周武帝改亳州西北至宋州一百八十里本漢舊縣也

下邑故城在亳州東北五十里後魏僑置孝昌元年屬臨渙郡  
興和中屬馬頭郡隋書地理志鄆縣有魏置下邑縣城齊廢  
梅城故城在亳州南四十里隋書地理志開皇六年分小黃縣  
置屬亳州大業三年省入譙縣元和郡縣志故梅城在譙縣南  
四十里古梅伯國州志今爲梅城集

武平城在亳州西南漢縣

藥城故城在亳州東南唐書地理志唐武德三年於魯邱堡置文州並藥城縣七年省入城父寰宇記藥城在城父縣南七十二里

扶陽故城在亳州東北元和郡縣志在故城父縣東北三十二里漢韋賢封邑按漢表扶陽國在蕭縣北城名偶同耳非故國也

城父故城在渦陽縣西三十二里舊屬亳州春秋時陳夷邑左傳昭

公九年楚遷許於夷實城父史記秦二世二年盜殺陳勝於城

父漢爲縣屬沛郡後漢屬汝南晉屬譙郡劉宋僞置浚儀縣屬

陳畱郡以城父縣併入隋開皇十八年復改浚儀曰城父屬譙

郡隋末王世充於縣置成州唐初州廢屬亳州元和郡縣志縣

西北至州七十九里天祐二年避朱全忠父諱改曰焦夷光啟  
初秦宗權寇亳穎朱全忠敗之於焦夷是也五代梁龍德初改  
焦夷曰夷父後唐同光初復曰城父宋亦屬亳州元省入譙縣  
尋復置明初廢水經注夏肥水東南流逕城父故城亳州志今  
名城父村

新鄆故城在太和縣北史記蘇秦說魏襄王曰南有新鄆又安  
釐王十一年秦拔鄆邱漢置新鄆縣屬汝南郡應劭曰魏鄆邱  
漢興爲新鄆也後漢建武中封郭后從兄竟爲新鄆侯章帝建  
初四年徙封殷後於此更名宋公國三國魏廢爲宋縣屬汝陰  
郡景初二年以縣屬譙郡晉廢魏太和元年復齊周時省水經  
注細水又東逕宋公縣故城北章懷太子曰宋公故城在汝陰  
縣西北舊志在縣北七十里俗訛爲宋王城

新陽故城在太和縣西北史記秦二世二年呂臣爲蒼頭軍起  
新陽注應劭曰在新水之陽後建武中封陰識弟就爲侯國三  
十年改屬淮陽永元十一年還屬汝南晉省水經注新水東北  
流逕新陽縣故城縣志有信陽城在縣西北六十里卽古新陽  
之訛也

潁陽故城在太和縣東北三里

阜陽縣志作在縣東八里

文獻通考後漢建

武二年封祭遵爲潁陽侯隋書地理志汝陰郡潁陽縣梁曰陳  
畱并置陳畱郡開皇初郡廢十八年改縣曰潁陽屬潁州唐貞  
觀元年省入汝陰

萬壽故城在太和縣北本漢細陽縣隋唐汝陰縣之地宋置縣  
寰宇記萬壽縣在潁州北九十里本汝陰縣百尺鎮開寶六年  
分汝陰縣北萬壽等五鄉置縣以唐鄉萬壽爲名後改曰太和

元至元二年省入州大德八年復置移今治縣志故城在縣東北四十里今爲元牆集又有舊縣集在縣北八里臨沙河

細陽故城在太和縣東茨河西岸漢置縣後漢光武封岑彭子遵爲侯邑晉廢寔宇記在汝陰西北四十里

樂昌城在太和縣東近細陽漢高后八年封張敖前姬子壽爲樂昌侯注徐廣曰今細陽之池陽鄉是也南北朝時嘗置樂昌縣於此

渦陽故城卽今蒙城縣治蕭齊嘗置馬頭郡後魏太和十八年齊馬頭太守孟表據郡來歸除南兗州刺史仍領馬頭太守鎮渦陽梁大通中陳慶之攻拔魏渦陽詔以渦陽置西徐州太清初魏將慕容紹宗敗侯景於渦陽其地遂復入魏改置譙州南譙郡隋書地理志譙郡後魏置渦陽縣開皇十六年改渦陽爲

肥水大業初改曰山桑水經注渦水又東逕渦陽城北元和郡縣志蒙城縣西北至亳州一百四十里北臨渦水卽魏渦州城也

山桑故城在蒙城縣北漢置縣後漢建武二年封王常爲侯國晉永和九年殷浩追姚襄至山桑爲襄所敗其後僑置於淮南而故城遂廢水經注北肥水逕山桑邑南俗謂之北平城昔文欽封山桑侯疑食邑於此又東逕山桑縣故城南俗謂之都亭城蓋山桑有二城也寧宇記山桑城在今蒙城縣北三十七里又北平城在臨渙縣西南二十五里

瑕城在蒙城縣東北左傳成公十六年楚師還及瑕水經注渦水經瑕城南卽楚瑕邑

舊蒙城在今蒙城縣西北三里東晉僑置郡治隋書地理志山

桑縣有梁置北新安郡東魏改置蒙郡齊廢郡置蒙縣後又置郡開皇初郡廢併縣入渦陽寰宇記有南北二蒙城並在縣西北八十里相去四十步皆後魏太和七年築

檀公城在蒙城縣三十七里元和郡縣志蒙城縣檀公城本山桑縣城宋檀道濟爲征北將軍居此因名路史謂爲北蒙是也財邱廢郡在阜陽縣西魏書地形志潁州有財邱梁興雙頭郡梁武置領財邱梁興等縣齊周時廢舊志潁州西南一百十里有小土城二東西相去二三里俗謂之東才城西才城或以此爲後魏財州誤財州今之河南沈邱縣也

原鹿廢縣在府治南富陂之西

地理考實作太和縣西有原鹿故城

漢置縣春秋

僖公二十一年宋楚盟於鹿上杜注鹿上今汝陰原鹿縣也後漢建武十五年封陰識爲原鹿侯國屬汝南郡晉屬汝陰郡宋

省水經注谷水經原鹿縣故城北

富陂廢縣在阜陽縣南漢置縣屬汝南郡後漢建武二年封王霸爲富陂侯國十三年罷闕駟十三州志永元九年分汝陰復置以多陂塘溉稻故曰富陂晉省水經注谷水經富陂縣故城

北俗謂之成閭亭

按兩漢書志汝南郡有富陂無富陂

胡城廢縣在阜陽縣西北二里春秋胡子國左傳定公十五年楚滅胡以胡子豹歸杜注汝陰縣西北有胡城魏書地形志胡城梁置屬潁州西恒農郡尋廢水經注潁水又東南流逕胡城東寔字記胡城在汝陰縣西北二里

博鄉廢縣在霍邱縣南漢竟甯元年封六安穆王子交爲博鄉侯國屬九江郡王莽改曰揚陸後漢廢水經注博安縣卽地理志之博鄉縣也又三國魏甘露二年諸葛誕據壽春吳遣朱異



赴救異甯輜重於都陸進征黎漿胡三省曰都陸卽揚陸也江南通志載博鄉舊縣於六安州誤

安風廢縣在霍邱縣南二十里漢置縣屬六安國後漢屬廬江郡三國魏置安豐郡治安風縣安帝時改屬弋陽郡東魏時廢杜佑曰霍邱城北有安風律或謂風爲豐

松茲廢縣在霍邱縣東十五里漢初置松茲侯國在今宿松縣界晉初改置於此屬安豐郡齊永元中改入北新蔡郡隋廢唐武德四年復置屬蓼州七年廢

長垣廢縣在亳州東東晉初析譙縣地僞置後魏廢

思善廢縣今渦陽縣治

舊屬亳州

後漢書郡國志有思善侯國屬汝

南郡晉省水經注漢章和二年分城父縣置夏肥水又東逕思善縣之故城南亳州志有故城集在州南八十里城父城南疑

卽其遺址

龍山舊縣在渦陽縣北

舊屬宿州

寰宇記廢龍山城在臨渙縣西四

十五里北齊武平四年置隋開皇九年廢入臨渙今有龍山集摘星樓在霍邱縣東三十里紂王城內

繁陽亭在府治境內左傳襄公四年楚師繁陽杜注銅陽南有繁陽亭

沈亭在府治西一百二十里秦高士沈郢建

葵亭在府城宋呂公著爲穎倅作亭後圃題曰葵亭及爲守時休倅圃有葵亭集

清潁亭在府治西湖上宋晏殊守潁時建蘇軾嘗與弟別於此有詩

雙柳亭在府治北渚宋晏殊守潁建閣曰清漣嘗手植雙柳於

閣前後去潁民不能忘更曰去思至歐陽修爲守雙柳成陰遂  
重建亭更名雙柳

竹間亭在府治西湖之北宋蘇軾守潁時作

古艾亭在阜陽縣西南一百七十里汝河之南與河南新蔡縣  
接界魏書地形志梁興有艾亭邱

相讓臺在府治東二里相傳楚莊王所築避暑之所又有水臺  
在府南一百里淮水所經相傳楚平王所築以觀淮水

釣魚臺在府治東七十里潁水北岸漢袁宏游釣處

賀勝臺在府治西北十里潁水南岸州志宋劉錡敗烏珠於順  
昌州守陳規迎勞犒軍於此故名

張龍公釣臺在霍邱縣西北三十里

章華臺在亳州東南乾谿側新序楚王起章華之臺爲乾谿之

役後漢書郡國志城父縣有章華臺元和郡縣志臺在城父縣

南九里

按章華臺當在湖北則州

東西二臺在亳州東一里許曹操觀稼臺也

八角臺在亳州東南三里舊傳曹操所築大饗軍士於此又蒙城縣東有操演武臺

子牙釣臺在蒙城縣西南三十里呂望集

莊子臺舊址在蒙城北隅因沒於水改築於東門外

會老堂在府城西湖書院之傍宋歐陽修與趙槩同在政府熙甯中相繼告歸一日槩來汝陰年幾八十矣遊宴踰月而返因名其堂曰會老

六一堂在府城內歐陽修致政歸潁時所構

聚星堂在府城舊州治內宋歐陽修守潁州一時從遊者皆名

流故以聚星名堂

大饗臺在亳州城內魏文帝南征軍次譙大饗六軍及譙父老百姓立大饗碑曹植文梁鵠鍾繇書篆時稱三絕

清燕堂卽蒙城縣治後堂宋王安石有清燕堂詩

元張柔故宅在亳州城內西街之北

魏武故宅在亳州東三國志建安十五年令曰欲於譙東五十里築精舍秋夏讀書冬春射獵以自娛元和郡縣志魏文帝祠在譙縣東五里卽太祖故宅

陳搏店在蒙城縣南五十里有陳仙公館

青楊館在府治西一百四十五里相傳漢光武討王尋駐兵於此

焦館在府治西南隅水池上宋呂公著守郡時建以館焦千之

因名

文地在潁上縣北二十五里俗傳孔子適楚接輿歌鳳處

潁尾在潁上縣東左傳昭公十二年楚子守於州來次於潁尾是也禹貢錐指潁水東南流至正陽鎮入淮謂之潁口卽春秋之潁尾也

管谷在潁上縣北二十五里管仲家此

霍邱戍卽今霍邱縣治梁置霍邱戍本安豐郡地隋時改置今治水經注淮水又東爲安豐津水南有城故安豐都尉治後立霍邱戍寔字記又有金明城在霍邱縣西南一百二十里

下城父聚在渦陽縣

舊屬蒙城

史記秦二世二年陳涉之汝陰還至

下城父爲其御莊賈所殺後漢書郡國志山桑縣有下城父聚蒙城志在縣西北八十里渦水之陽以近故城父縣故加下

垂惠聚在蒙城縣西北二十里後漢建武三年蓋延等攻破劉永於睢陽永將蘇茂周建奔垂惠四年遣馬武等圍垂惠後漢書郡國志山桑縣有垂惠聚水經注卽山東有垂惠聚世謂之禮城

乾谿在亳州東南左傳昭公八年楚伐吳次於乾谿杜注在城父南寔字記在城父縣南五里

東陳村在府治東四十里宋嘉定十五年霍邱人王鑑敗金兵於此

關州村在潁上縣張龍公夫人石氏家此

包家寨在府治西六十五里又姜寨在府治西一百八十里俗呼爲強寨

牛口埠在霍邱縣城東唐太宗追寶建德處

畢卓池在府治西銅陽城內

王家市鎮在阜陽北九十里金設

宋阜陽機地入  
湯有王市集

椒陂鎮在阜陽縣南三十里金設

互見  
山川

永甯鎮在阜陽縣東南一百里又櫟頭鎮在縣西六十里

江陂鎮在潁上縣西北四十里沙河南岸又正陽鎮在縣東南

七十里皆金設也

雙溝鎮在亳州南六十里金設

互見  
山川

斤溝鎮在太和縣北七十里金設

蒙館鎮在蒙城縣西北三里金設

龍池在潁上縣西南四十里淮潤鄉舊傳張公九子蛻骨化龍

處與霍邱接壤

譙令谷在亳州北三十里魏武帝至譙令軍士築之有譙令碑



桑林在亳州湯陵西二里成湯禱雨之所

九仙曰在霍邱縣九仙山上俗傳淮南王與八公搗藥於此

谷陽在亳州西四十里

白龍井在霍邱縣汪家集東南淮河南岸有龍池相傳與井通  
後湮失其處同治六年夏旱知縣陸鼎敦求得之取水入城大  
雨隨至

九龍井在亳州城南唐書五行志開元二十九年老子祠九龍  
井涸復涌

昇天柏在亳州西相傳老子乘白鹿緣此樹昇天

重修安徽通志卷五十二

輿地志

古蹟

九

滁州

建陽故城在州東漢置縣屬九江郡後漢省入全椒輿地紀勝  
建陽故城在清流縣東四十里

荻港故城在州西北後魏置縣魏書地形志新昌郡領赤湖荻  
港薄陽頓邱等縣齊周時廢輿地紀勝荻港在清流縣西北二  
十里卽魏故縣方輿紀要州西十里有赤湖州北十里有荻港  
洲州南十里有薄陽壩皆因故縣而名

蔣家城在州東南五十三里又龔家城在州南四十里又塘堆  
城在州南三十里三城皆傍湖澤相傳南唐築瓦梁堰以禦北

師水勢橫溢居民築此城以捍水云

三城在州城東輿地紀勝在清流縣東三十里又有雙城在縣東四十里

南譙郡故城在全椒縣西北晉太元中僞置南譙郡併置山桑縣爲郡治齊因之梁又置譙州及南譙郡皆治新在今巢縣界而以此爲北譙復又別於渦陽之譙謂之南譙東魏移州治新昌郡而故城遂廢寰宇記梁大同二年割北徐州之新昌南豫州之南譙豫州之北譙凡三郡立爲南譙州居桑根山之西今滁州西南八十里全椒縣界南譙故城是也

按梁太清二年侯景自壽陽襲譙州

進攻歷陽蓋巢縣之譙時亦有譙州之名

阜陵故城在全椒縣東南漢置縣文帝八年封淮南王子安爲侯國元狩初屬九江郡後漢永平十六年徙淮陽王延爲阜陵

王建初元年改爲侯國元和初復爲王國後徙晉屬淮南郡後周廢入全椒縣章懷太子曰阜陵故城在全椒縣南寰宇記在縣西南十八里輿地紀勝地名赤土岡高一丈四尺

梁王城在全椒縣東北武山輿地紀勝縣有武山上有梁王城方輿紀要以梁武得名

豐樂城在全椒縣西七十里

縣志作六十里

梁置縣屬北譙郡隋廢輿

地紀勝在艾塘東村傍豐樂院

襄城在全椒縣西襄水經其旁或以爲晉時姚襄所築

頓邱城在來安縣東橫風村名勝志縣治東一里橫江村有頓

邱城

趙王城在來安縣東北二十五里城北有澗澗北有趙侯古冢

相傳寇亂時有趙王二將屯此又有丁城在縣東北五十里白

塔鎮東南四面平遠城地高數丈廢置不可考

高塘廢郡在來安縣北梁置高塘郡屬南譙州魏書地形志譙州領高塘郡陳太建五年北伐齊北高塘郡城降隋書地理志清流開皇初廢樂鉅高塘二縣入高塘蓋卽故郡也州志高塘在今縣東北白塔鎮又有古城集在縣北八十里疑卽樂鉅縣遺址

清流廢郡卽今州治晉元帝僑立頓邱郡屬北徐州宋書州郡志頓邱縣江左流寓立元徽初立新昌郡魏收志有譙州梁置治新昌郡其新昌郡領頓邱不改梁置南譙治陳太建七年移譙州鎮新昌郡十一年入於後周隋初郡廢改州曰滁州縣曰新昌十八年又改縣曰清流大業初縣屬江都郡唐武德三年復爲滁州治明初省入州元和郡縣志縣本漢建陽縣地竇宇

記木漢全椒縣地因縣東清流水爲名

全椒舊縣在今縣治東北三十五里虎子澗北漢置縣屬九江郡後漢建武中封馬成爲侯國晉屬淮南郡梁改縣曰北譙陳太建七年分北譙縣置北譙郡領陽平所屬北譙西譙二縣隸入譙州隋開皇時郡廢改縣曰滁水屬滁州大業初改爲全椒縣移治漢故阜陵地明初廢洪武十四年復置元和郡縣志縣在州南五十里晉改南譙梁曰北譙也輿地紀勝有南譙城在縣北二里尹村又有北譙城在縣西北二十五里新高村皆齊梁時故址隋始移今治又縣有臨滁里或謂故郡治

鄧城廢縣在全椒縣西南漢縣也宋書州郡志歷陽領縣鄧漢屬沛晉屬譙流寓立屬南譙郡文帝元嘉八年廢元徽元年又屬平昌郡齊屬臨江郡東魏屬臨徐郡後周廢輿地紀勝鄧縣

在縣西南鄒湖濱舊志其地與和州接壤

嘉平廢縣在全椒縣西南十五里蕭齊置屬南譙郡梁廢

永陽廢縣卽今來安縣治本清流縣地唐景龍中析置永陽縣屬滁州南唐昇元二年改曰來安宋乾道中兵燹戶少時議不足置縣因改爲鎮在今縣東三十里其後郡守因民之請復爲縣竄宇記永陽故城在滁州東北三十五里本漢全椒縣地取縣北永陽山爲名

滁陽監在州西南三里明洪武六年建併置南京行太僕寺於此有滁陽八監驢騾等十八羣

懷嵩樓在州治後統軍池上一名贊皇樓唐李德裕刺滁州時建取懷歸嵩洛之意

東壁樓在來安縣東學宮北明萬厯中建鄒元標有記

御書閣在州瑯琊山前宋乾德二年建太平興國中賜額藏四

朝御書

凝香閣在州治取唐韋應物燕寢凝清香之句爲名

醉翁亭在州南七里宋僧智仙建歐陽修有記蘇軾有跋州志

明嘉靖中太僕卿趙鉞創爲樓萬厯中太僕卿沈思孝改爲解

醒閣亭後有二賢祠祀修及軾附宋歐陽修醉翁亭記山也其

西南諸峯林壑尤美望之蔚然而深秀者瑯琊也山行六七里

漸聞水聲潺潺而瀉出於兩峯之間者醴泉也峯回路轉有亭

翼然臨於泉上者醉翁亭也作亭者誰山之僧曰智仙也名之

者誰太守自謂也太守與客來飲於此飲少輒醉而年又最高

故自號曰醉翁也醉翁之意不在酒而在酒而在山水之間也山水之

樂得之心而寓之酒也若夫日出而林霏開雲歸而巖穴暝晦

明變化者山間之朝暮也野芳發而幽香佳木秀而繁陰風霜

高潔水落而石出者山間之四時也朝而往暮而歸四時之景

不同而樂亦無窮也至於負者歌於塗行者休於樹前者呼後

者應僮僮提攜往來而不絕者蹕人遊也臨溪而漁溪深而魚

肥醴泉爲酒泉香而酒冽山肴野蔌雜然而前陳者太守宴也

宴酣之樂非絲非竹射者中弈者勝觥籌交錯起坐而誼諱者



眾賓催也蒼顏白髮類乎其中者太守醉也已而夕陽在山人影散亂太守歸而賓客從也樹林陰翳鳴聲上下遊人去而禽鳥樂也然而禽鳥知山林之樂而不知人之樂人知從太守遊而樂而不知太守之樂其樂也醉能同其樂醒能述以文者太守也太守謂誰

廬陵歐陽修也

漸入佳境亭在州醉翁亭北舊名同醉宋宣和中郡守唐恪建嘉泰中郡守林嶠易名漸入佳境四字至今猶存

豐樂亭在州治西南瑯琊山幽谷泉上宋歐陽修建自爲記蘇軾書刻石又有醒心亭在豐樂亭東山上亦修建曾鞏爲記又

有班春亭

附歐陽修豐樂亭記

修既治滁之明年夏始飲滁水而甘問諸滁人得於州南百步

之近其上豐山聳然而特立下則幽谷窈然而深藏中有清泉滂然而仰出俯仰左右顧而樂之於是疏泉鑿石開地以爲亭而與滁人往還其閒滁於五代干戈之際用武之地也昔太祖皇帝嘗以周師破李景兵十五萬於清流山下生擒其將皇甫暉姚鳳於滁東門之外遂以平滁修嘗考其山川按其圖記升高以望清流之闕欲求暉鳳就擒之所而故老皆無在者蓋天下之平久矣自唐失其政海內分裂豪傑並起而爭所在爲敵國者何可勝數及宋受天命聖人出而四海一嚮之憑恃險阻

刻削消磨百年之閒漠然徒見山高而水清欲問其事而遺老  
盡矣今將介於江淮之間舟車商賈四方賓客之所不至民生  
不見外事而安於缺畝衣食以樂生送死而執知上之功益休  
養生息涵煦於百年之深也修之來此樂其地僻而事簡又愛  
其俗之安閒既得斯泉於山谷之間乃日與滁人仰而望山俯  
而聽泉搢幽芳而蔭喬木風霜冰雪刻露清秀四時之景無不  
可愛又幸其民樂其歲物之豐成而喜與子遊也因爲本其山  
川道其風俗之美使民知所以安此豐年之樂者幸生無事之  
時也夫宜上恩德以與民共樂刺史之事也遂書以名其亭焉

曰觀亭望月亭俱在州瑯琊山上明朱濂遊瑯琊山記山中之  
亭幾二十所而二亭尤盛

茶仙亭在州瑯琊山明統志宋紹聖中僧永起爲州守曾登建  
取唐杜牧誰知病太守猶得作茶仙之句爲名曾登有詩又有  
無心亭清風亭翠微亭俱在瑯琊山宋晁端受有翠微亭詩  
梅亭在州瑯琊山舊有老梅一株爲杜默手植

落雁亭在全椒縣西舊名落雁塔

琴臺在州治西瑯琊溪旁唐刺史李幼卿建

望日臺在州西南瑯琊山宋王禹偁有詩

悟經臺在州瑯琊山卽張方平寫二生經處

希真堂在州治州志謂不知其處按宋曾肇十詠詩序云滁城多草木希真堂列植尤眾

瑞麥堂在州治又有坐嘯堂紫芝堂俱宋建

三隱堂在全椒縣西北元豐九域志桑根山下有三隱山南隱中隱北隱相去各十餘里皆古隱者所居有泉池石室

東園在州城東閭宋梅執禮序云滁陽舊無郡圃醉翁豐樂皆在關外獨李紳所勑東園南直瑯琊北通西湖適介守貳宅固一佳處又有北園宋淳化中孟元喆建王禹偁北樓感事詩序云郡有北樓通判史公署

張家園興地紀勝在州西三十里一名天子園俗傳周世宗嘗至此囚名

仙槎里在來安縣城東二十里此地最高人望之若仙槎然南唐築瓦梁堰時名此

寶林門在全椒縣寶林橋吳赤烏二年立

瑯琊山寨在州西南十里瑯琊山中宋建炎三年郡守向子俊因山築壘聚鄉民以拒巨寇李成

焦山寨在全椒縣城外宋焦光贊結寨於此

蔬糧墩在全椒縣西南五十里舊傳伍員伐楚糧匱以米覆土爲墩若山積然

清流關在州西南二十五里南唐置五代周顯德二年敗唐兵於正陽唐皇甫暉等自定遠退屯清流關興地紀勝清流關在

清流縣西三十餘里舊志今其地有中軍帳基又州西北石駝山有北關口卽清流關之北口也

安期洞在全椒縣椒陵山中相傳有安期生遺蹟

飲馬池在州豐山絕頂漢高祖廟側舊傳高祖曾飲馬於此

金甲池在州皇甫山下俗傳皇甫暉嘗屯兵洗甲於此

統軍池亦曰孟家池在州治後宋洎化中孟元喆以龍武統軍知軍事鑿池北圍

放生池舊名飲馬池在全椒縣南三百步漢將灌嬰追項羽處

縣志作范塘飲馬於此

王母池在來安縣東門外深闊丈餘中甃以甎傍有石刻

眞珠泉在州西南輿地紀勝眞珠泉在清流縣西三十里側菱山遊者撫掌則泉水潑射若跳珠

楚迷溝在全椒縣南二十里輿地紀勝相傳項羽失道處  
庶子泉在州瑯琊山唐刺史李幼卿鑿李陽冰有銘篆書爲世  
所寶

元公井在全椒縣署前井欄八角刻宋元祐四年十月初吉全  
椒令元時忱命開義井於縣門外以資民用今亦稱八角井  
柴王井在全椒縣署前元至正時鑿又神山寺石井亦元至正  
時鑿深七丈亦傳爲柴王井

琉璃井在來安縣治後泉極甘雖旱不涸以瓦礫投之聲若笙  
簧久之乃止

菱溪石在州城東五里本名荇溪避楊行密諱改作菱宋歐陽  
修菱溪石記菱溪之石六移去者五其一最大難徙乃以三牛

曳置幽谷

附

唐李漬荇溪新亭記

上臨御明年漬自洛陽令之  
太守詔牧滁民之三月得古

溪郡之東北十里按地圖志在皇道山之右昔始皇途遷是山  
因以名焉其下西永陽嶺遊溪於苻溪此溪是也不濬川導廣  
泉演漾潭島影溢江漢壩中流袤平壇四浪漉明雙派委輪襟  
帶一川斜界千祇無焚苗蘋萍之襟其森練如也有廢亭占勝  
之地其狀依然也照晴而空水相鮮澄遠而霽山瀉色趨向奇  
狀不可窮竟訪都之老長考亭之廢興皆曰三十甲子二周星  
而不知其所由來矣驗圖籍亦昧其始興之歲也秋七月前河  
中監察汝南公況前武甯軍殿中隴西公洪州遷客司馬宏農  
公紹復咸以勝繁為宴之須乃卜於亭是於是謀遂古創今食  
日惟日不越月他工俱泊六旬有六日新亭就櫓不莠蒹昭其  
儉也費不仳仳示無僭也內不重門曠其景也外不崇墉達其  
望也繇是四海之氣成象不絕春木秀容夏雲奇峯秋天爽空  
冬日暖濃觸類有景與溪無窮雖羊公峴溪曷足以加其勝矣  
於戲物之廢興時也苟非其時聖人微言知其蒙者乎時會昌  
二年正月八日建

秦皇試劍石在全椒縣西北百里舊高城村相傳始皇東巡經  
此山因以名石

宋紹興十八年進士題名碑在州醉翁亭右梅瑞堂後壁按明  
道跋云宋登科錄今已不傳此榜以朱  
文公故特存石刻在滁州之歐梅亭

和州

歷陽故城今州治秦置史記項羽封范增爲侯邑漢爲九江郡  
尉治後漢永平中九江盜范容據歷陽爲江淮巨患久之始平  
晉屬淮南郡宋書州郡志晉永興初爲歷陽郡治尋入建鄴咸  
和四年僑立豫州永和九年刺史謝尚鎮歷陽義熙九年割揚  
州大江以西大雷以北皆屬豫州宋永初二年始割淮東南豫  
州治歷陽齊建元二年州廢隋爲和州治自是州郡皆治此明  
初縣廢入州元和郡縣志後齊以兩國通和立和州劉禹錫和  
州志梁王僧辯迎貞陽侯於齊會於此更名和州舊志今州城  
一名亞父城爲范增所築

雍邱故城在州南宋書州郡志本漢陳留郡屬縣東晉以流寓  
僑立先屬泰山郡元嘉八年廢屬歷陽郡宋齊因之後周時廢



州志今裕溪河口有雍家城或謂卽雍邱之譌

遏虎城一名遏狐城在州西元和郡縣志歷陽西有遏虎城晉王導築以遏石虎又有卻月城在州南天門山頂劉宋時王元謨築

石跋城在州東北三十里卽石跋鎮方輿紀要宋開禧中州守周虎所築

龍亢故城在含山縣東南漢故縣在今鳳陽府懷遠縣界宋書州郡志歷陽領縣龍亢江左流寓立祥瑞志昇明三年白虎見歷陽龍亢縣新昌村唐書地理志含山析歷陽之故龍亢縣地置寔宇記縣在和州西五十五里本晉龍亢縣後周天和元年併入歷陽唐武德六年改置含山縣以縣境爲厭山所舍故名又曰廢龍亢縣在含山縣東南四十里

晉王城在含山縣西北輿地紀勝符堅侵晉以姚萇爲先鋒晉築城於此以禦之又有姚萇城州志今清溪東有土城數十丈當卽晉王城也其外十餘里有姚萇村

烏江廢縣在州東北本漢東城縣地晉太康中置屬淮南郡永興中改置歷陽郡宋大明七年校獵於歷陽之烏江是也尋割歷陽秦郡置臨江郡永光元年罷齊志復有臨江郡建元二年罷併歷陽後復置治烏江縣魏書地形志烏江縣屬臨徐郡隋書地理志烏江梁置江都郡後齊改齊江都陳復曰臨江郡周改爲同江郡開皇初郡廢縣屬歷陽郡唐屬和州擘宇記縣在州東北四十里本秦烏江亭晉置縣隋爲烏江郡宋紹興五年廢爲烏江鎮屬歷陽縣七年復爲縣明初省入州今爲烏江鎮穀孰廢縣在州西北本漢梁國屬縣宋書州郡志初屬南梁郡

元徽初改屬新昌郡齊因之梁末廢

鎮淮樓在州治前東阜高臺層構於製最古明太祖駐蹕和陽曾與諸將飲酒賦詩其上

清風樓在州治西南城隈峨嵋墩下宋蔡襄有清風樓詩明統志宋元祐間名連雲觀

水心亭在州治三老堂前唐張籍寄和州劉使君詩送客時過沙口堰看花多上水心亭

犀照亭在州東南十里當利河口北岸晉溫嶠聞水底有音樂之聲然犀照之因以爲名

項亭在州城東四十里烏江鎮東南寔宇記卽烏江亭長艤船處唐李德裕有項王亭賦

丹臺在州大西門外世傳老子煉丹之所

惠政堂在州治廳事西輿地紀勝宋孝宗居青宮時大書惠政堂三字賜守臣胡昉

三老堂在州治後宋元祐閒孫賁建祀知州傅堯俞范純仁劉摯

毓麟堂在州東南橫江之濱宋紹興三十一年金圭亮入和州臨江築臺誓師渡江晨炊玉麟堂蓋卽毓麟堂之譌

三覺堂輿地紀勝在梁山廣覺院三覺謂賈易龔原及僧冲會袁天綱宅在州南輿地紀勝在歷陽縣西三十里地名南義

許由宅在州西二十里相傳許由所居

張籍宅輿地紀勝在州治通淮門內舊光孝寺又含山縣西五里曰桃花隴又故烏江縣東一里有書堂相傳皆籍讀書處

勒將軍宅在州西北雞籠山李白勒將軍歌序云歷陽壯士勒

將軍名思齊神力出於百夫則天太后召見奇之授游擊將軍  
賜錦袍玉帶朝野榮之拜橫南將軍大臣慕義結十友燕公張  
說館陶公郭元振爲首

陋室在州治後唐和州刺史劉禹錫遺趾劉自爲銘

彭祖石室在含山縣南八十里白石山長真觀相傳彭祖飛昇  
處列仙傳歷陽縣有彭祖仙室州志白石山爲道家二十一洞  
天名瓊秀長貞之天

東關在含山縣西南七十里濡須隄之北與廬州府巢縣接界  
三國時爲戍守重地宋史地理志含山縣有東關砦

昭關在含山縣北昭關山史記范雎傳伍子胥囊載而出昭關  
宋史王德傳紹興十一年德夜拔和州敵退保昭關州志關在  
州北小峴山西

陰陵在州北八十里陰陵山輿地紀勝在烏江縣西北四十五里俗以爲項羽迷道處

橫江浦在州東南通鑑漢興平元年劉繇遣將樊能屯橫江晉隆安二年桓元與楊佺期進至橫江晉書譙王尚之傳尚之率步卒九千陣於浦上先遣武都太守屯橫江隋開皇九年韓擒虎自橫江宵濟采石元和郡縣志橫江在歷陽縣東南二十六里直江南采石渡處唐李白有橫江詞六首

桑山倉在含山縣西南三十里名勝志秦始皇設倉其上州志宋時亦設雙山寨於此

漁邱渡在州治吳越春秋云伍員過昭關至江漁父乘舟渡之遂至吳今百福寺之東南舊名漁渡

運米徑在含山縣南八十里舊名斗米徑隋末杜伏威將李子

建戌棚口於東關下穿渠通黃洛陂入歷陽湖通運令部下人各齎米一斗就役米盡徑成故名

洗耳池在州城三十五里祁門站旁有池傳是巢父洗耳處八卦地在州界河鋪西北壽甯宮內葛仙翁遺蹟也

沸井在州小西門外土街頭關帝廟內晉元帝渡江命郭璞筮之曰西南郡縣以陽名者井當沸其中興之應未幾歷陽井沸者三故曰沸井

西街井在州城科甲真才坊下相傳一童子嘗從井中出咸異之扣其從來曰我本華陽河中人此井乃其後逕也自是不復見

平疴湯在州北三十五里寔宇記在州北四十五里此湯能愈疾故名州志一名香淋泉又名平疴泉溫潔有患瘡疥者浴之

輒愈宋治平中名其地曰平疴鎮

飛錫泉在含山縣南六十里太湖寺昔無用禪師當山腋鑿孔導泉日取不竭不取不溢僧有眞身塔在焉

馬跑泉在含山縣十五里卽昭關泉俗傳伍員過此有馬跑泉遺蹟宋張浚於昭關築城置水櫃以遏金人卽此泉也

卓刀泉在含山縣西七十五里東關嶺舊傳漢漢壽亭侯卓刀飲馬於此

### 廣德州

鄣縣舊城在州治東北九十里秦置漢高帝時改名故鄣

諸葛城在建平縣西十里城隍可容數千人旁有驢城馬城相去一二里其間有井數十蓋昔人屯駐之地

浮城在建平縣西十里廣數畝其上有木莫能名斧之則血出



地本窪下每夏潦水漲諸圩盡沒此獨歸然若浮故名

郎步鎮今建平縣治後漢光武卽位封安城侯子統爲建平侯

元豐九域志宋端拱元年以廣德縣郎步鎮置建平縣

石封故縣卽今州治陳書梁紹泰元年割故鄣廣德置廣梁郡

永定二年改廣梁爲陳畱郡隋書地理志宣城郡領綏安縣卽

石封改名焉梁末立大梁郡平陳郡廢唐書地理志綏安武德

二年置桃州增置桐陳懷德二縣七年州廢省桐陳懷德入之

改曰廣德元和郡縣志縣西至宣州百六十里後漢分故鄣置

朱爲綏安縣大業二年移於今理

按劉宋綏安縣在今宜興縣界今縣乃改故石封置故曰

理移

廣德廢縣在州東漢故鄣縣地漢末孫吳析置三國吳志呂蒙

傳蒙領廣德長是也晉書桓彝傳自宣城退屯廣德隋書地理

志綏安梁末立大梁郡又改爲陳畱郡廣德縣屬焉平陳郡廢  
省廣德入石封尋改石封爲綏安唐至德二載改綏安曰廣德  
故城名也自後常爲州治明初改縣曰廣陽洪武十三年縣省  
通典綏安有廣德城又按大梁卽廣梁郡隋志避諱故也  
三峰樓在州治前朱紹興中參政李光登三峰樓詩有云一川  
花柳擁雕欄濃綠浮空四面山

鼓角樓在州治前朱熙甯初知軍事錢公輔朱壽昌先後建曾  
輦記

秀遠亭在州治前宋陳天麟有詩

巢雲亭在州南十五里竹山頂疊嶂層巒有松竹泉石之勝其  
旁又有摘玉亭

范公亭在州舊司理廳東南宋范仲淹爲司理參軍時建北有

雙井亦范所鑿後人思之皆名曰范公亦名義井又有亭曰景范在州治西

春省亭在州治西五里小芝山上明州守朱麟建以勸農

攀蘿亭在州橫山宋天聖中郡守梅詢建

釣魚臺在州治北二十五里唐張志和垂釣處臺下水深莫測  
藤蔓繞磯松篁夾岸臺基尙存

解慍臺在州南七十里靈山之巔

嚴公臺在州西唐大順初楊行密將陶雅破孫儒前鋒屯嚴公  
臺卽此

鳳皇臺在州治北門外州守鍾振築鳳皇壇結臺其上因名  
集仙臺在橫山頂一名禮徙臺輿地紀勝在祠山絕頂宋郡守  
梅詢建

清容堂在州治西宋知軍事錢公輔築臺以居查深訓州人子弟

劉文靖宅在州北三十里今爲唐興寺

眾春園在州治西北玉溪之上州志宋紹興間參軍趙子濟建玉溪堂聚景樓圓嶠方壺翠溪三亭前人皆刻石記之元至元中郡守趙亮夫築亭池上扁曰濯纓明正德中州守喬岱復於溪上建濯纓橋

暗橋在建平縣東北六十里護形山之麓舊傳伍員奔吳避於山中追者至此雲氣護之員及橋而天暗遂名

鐘村在州境宋史岳飛傳宋建炎三年飛自宜興駐師鐘村軍中乏糧將士不敢擾民人至今稱之

紫寨圩在州治西北五里宋岳飛屯兵於此

神仙塘在建平縣南六十里淨覺寺前相傳許真君曾浴此岸有楓樹遇年歉則枝枯年豐則茂豐歉半則六七月始葉

白馬墩在州北三十里舊傳劉文靖於此浴馬

寨墩在建平縣北十里輿地紀勝春秋時伍員伐楚還吳立寨於此舊有寨門遺蹟

鳴鼓墩在建平縣西南二十五里舊傳鄉民築亭墩上每東作時登亭鳴鼓踴躍田功

石鼓墩在建平縣東北六十里石峻嶒狀如魚鱗人行有聲如鼓因名

浴兵池輿地紀勝在州東南三十里東亭湖爲張王所開州志廣五百餘畝

不老泉在州城南四十里泉脈流長大旱不涸舊有石碑鐫不

老泉三字

金井在州治兆符門外里許明太祖汲此水以給軍士因名八角井在高封周舊宅舊傳井有藏金鄉民常欲取之水輒沸涌隱隱聞笙歌之聲又有九曲池亦在宅內皆封周所鑿郭母古井在建平縣西南三十里俗傳仙人以藥投井水變爲醴者卽此

桐川舊驛在州西二十里

金牛蹟在建平縣東北十五里相傳昔有神人驅金牛至此爲人所見人牛俱沒石上牛蹟尙存

祠山三寶在州西五里祠山廟內一白玉磬篆書宣和舊物也一火珠名軒轅鏡一趙孟頫手疏

重修安徽通志卷五十三

輿地志

古蹟十

六安州

盛唐故城今州治漢縣也漢書武帝紀元封元年冬南巡狩至  
於盛唐舊唐書地理志開元二十七年改霍山爲盛唐仍移治  
於騶虞城寰宇記六安縣本春秋時楚之灊縣地在漢爲盛唐  
縣屬廬江郡武帝南巡狩登灊天柱薄樅陽作盛唐之歌縣西  
二十五里有盛唐山因爲名隋改爲霍山縣唐開元二十七年  
復曰盛唐從舊名也梁改爲灊山縣晉天福中改爲來化縣宋  
開寶初廢盛唐爲六安仍併霍山縣入焉按晉改來化  
說詳沿革  
六縣故城在州北皋陶之後封此春秋文公五年楚人滅六左

傳楚子變滅蓼注六與蓼皆皋陶後也史記楚昭王五年吳伐楚取六秦置六縣屬九江郡漢元年項羽大司馬周殷叛楚以舒屠六又漢立鯨布爲九江王都六武帝元狩二年封膠東王寄子慶爲六安王國後漢爲六安侯邑屬廬江郡建安十四年廬江人陳蘭等據潁六以叛曹操遣張遼擊平之潁卽今霍山縣也晉復爲六縣東晉末縣廢水經注泚水東北過六縣東括地志故六城在壽州安豐縣南一百三十里隋屬霍山縣地亦曰騶虞城唐開元中改霍山縣爲盛唐縣仍移治於此南唐改爲來化縣宋開寶初改爲六安軍元爲州治明初省寰宇記今縣北十三里有古城名六合城蓋卽六安之訛又云六城在舒城縣東南六十里按謂六城在舒城縣恐誤或僞置非故縣也白沙城在州北三十里寰宇記六安縣北有二古城一曰六合



一曰白沙上有皋陶廟州志又有東古城在州東南三十里西古城在州西十五里裴家灘又有新城在州東北十五里今爲新城寺

廣王城在州南百里高岑突起周遭如郭石跡尙存今爲寺馬亨城在州北水經注泚水經馬亨城通典有馬頭城在盛唐縣北州志今州有馬頭集疑卽馬亨城

古英氏城在英山縣東北界左傳僖公十七年齊人爲徐伐英氏史記封皐陶之後於蓼六一本作英六索隱曰英後改號曰蓼也舊志六安州西有英氏城蓋境相接也

潯縣故城在霍山縣東北春秋時楚潯邑左傳昭公二十七年吳使公子掩餘公子燭庸帥師圍潯又三十一年吳人侵潯六楚沈尹戌帥師救潯吳師還楚遷潯於南岡爾雅霍山爲南嶽

注卽天柱山潯水所出也漢置潯縣屬廬江郡後漢及晉宋因之梁天監六年於潯縣置霍州隋改置霍山縣而故縣廢括地志潯縣故城在霍山縣東二百步舊志潯縣故城在今縣東北三十里

岳安故城今霍山縣治魏書地形志霍州有岳安郡梁武置領安城義興二縣隋書地理志梁置岳安郡及岳安縣開皇初郡廢縣改名霍山唐開元二十七年廢入盛唐縣宋開寶四年省爲故埠鎮元設巡司明宏治七年分州西南開化興賢二鄉於鎮置縣卽今治縣志州南迤百里有土城爲舊時霍山縣治邊城左廢郡在州西宋書志南豫州邊城左郡文帝元嘉二十五年以豫部蠻民立領夷水邊城等縣大明八年省爲縣屬弋陽郡後復置齊省入安豐郡後又復置魏書地形志霍州邊城

郡治麻步山寔宇記廢邊城郡在六安縣西一百九十八里縣志麻埠鎮在縣西南九十里卽故麻步山也

霍州舊治在州南五十里霍山縣界梁置

淠水廢縣在霍山縣東北梁僑置新蔡縣併置北沛郡隋開皇初郡廢改新蔡置淠水縣以淠水而名屬廬江郡唐初廢

開化廢縣在霍山縣北劉宋置屬邊城左郡齊屬安豐郡魏屬西邊城郡隋屬廬江郡唐貞觀中省入盛唐縣寔宇記廢開化縣在六安縣西四十里明初爲開化鄉宏治七年分屬今縣

魯班門樓在霍山縣南四十里

縣志作西四十里

弩臺在州西南四十里相傳漢武帝試弩於臺下

仙人臺在英山縣吳山之坎世傳有仙飛昇於此

潛臺在霍山縣威遠門外五里古城西突兀中流石狀如臺有

觀瀾亭下臨大河石壁上鐫小赤壁三字

釣魚臺在霍山縣西三十里

縣志作四十五里

石生水濱若臺然相傳

爲左慈釣魚處

梳妝臺在霍山縣南五十里東流河卽仙女臺世傳宋南遷有尼飛昇在此

段秀實故宅在州響山今爲響山寺

英布故宅在英山尖墓在尖下碑塋尙存

輦街卽霍山縣南十字街相傳爲漢武輦道又有拜郊臺在縣南門內亦漢武登封祭告之所

汪立信讀書處在州東龍穴山廣福寺舊有龍山書院

焦家莊在州西二十五里七里岡前宋狀元焦煥故居又有萬

卷堂在霍山上舊傳煥讀書處

按選舉志焦煥作焦蹈

董靖寨在州南百二十里相傳宋紹興間里民董靖避兵處  
章山寨在英山縣西北明崇禎十二年知縣高在崙以舊縣焚  
燬立寨作新城於此

英山故寨今英山縣治宋淳祐間立鷹山寨咸淳初更名英山  
因立爲縣屬安豐軍尋廢德祐二年三吳鄉人段朝立請以羅  
田縣東界直河鄉重立爲縣明崇禎十二年移治縣西北章山  
十六年又移治縣北添樓鄉

國朝順治初始還舊治

石門關在英山縣東九十里

柳林關在英山縣北四十里

道士沖在霍山縣西九十里道士徐隱元修真於此

第十泉在州龍穴山頂龍池方五十尺水味香甜又新品爲

天下第十泉

玉虹泉在英山縣西北三十里太平橋石壁鐫此三字並有石刻題咏

落淚洪在霍山縣西四十里有孝子舁櫬至此泣盡繼之以血龍爪石在州城西巨石臨水上鐫龍爪二字點畫遒勁大如斗諺云龍爪見狀元出

螺螄店塔在霍山縣西北五十里高九丈宋元祐間建

老子鶴跡在英山縣北四十里羊角山頂石上指爪宛然唐高祖時老子降此

天成石曰在霍山縣東二十里復覽山頂宋末戍守於此

凌霄樹在霍山上相傳爲漢武帝手植

泗州

臨淮故城在州治本隋徐城縣舊唐書地理志長安四年割徐城南界兩鄉於沙塾淮口置臨淮縣開元二十三年移治郭下宋景德二年移治徐城驛爲泗州屬縣元復還舊治明初省元豐九域志臨淮縣在州北六十里州志唐臨淮故縣在汴泗橋西今沒宋臨淮故縣在州北六十里今名臨淮鎮

徐縣故城在州城西北周時徐子國尙書費誓淮夷徐戎並興春秋昭公十三年吳滅徐徐子章禹奔楚杜注徐國在下邳僮縣東南漢置徐縣爲臨淮郡治後漢屬下邳國晉仍屬臨淮郡劉宋時省梁武僞置高平郡及東平陽平清河歸義四縣東魏併四縣置高平縣治大徐城隋初郡廢縣屬泗州開皇十八年改高平縣曰徐城括地志大徐城在徐城縣北三十里元和郡縣志徐城縣東至泗州五十里舊理大徐城大業四年移於今

理宋建隆三年省爲鎮入臨淮寢宇記大徐城卽古徐國也周十二里一名薄薄城又名故故城州志隋徐城縣在州城北五十里今爲徐城廟古徐城在州東北八十里

高平故城在州北漢河平二年封王逢時爲高平侯國屬臨淮郡後漢省寢宇記吳城亦名高平郡城在舊徐城北三十里東臨通濟渠陳太建六年陳將吳明徹於此置高平郡隋開皇四年郡廢金史地理志臨淮縣有吳城鎮縣志有城兒頭集在州北一百十里卽古吳城也

朱沛故城在州西北梁置朱沛修義安豐三郡東魏武定七年改置朱沛縣屬高平郡後周併入高平縣縣志在故徐城西北六十里其地有朱沛水故名

淮平故城在州西二十里宋史地理志紹興二十一年泗水地



入於金因析臨淮縣地置淮平縣後亦入於金僞名盱眙縣爲泗州治明昌六年復曰淮平元廢州志在州西二十里

高冢城在州西北寔宇記魏義興郡城也在徐城縣西北七十里平地梁以爲興安郡領高冢城屬東徐州高齊初廢

巉石城在州西北一百二十里巉石山州志梁天監時築

瀝橋城在州西北寔宇記在徐城縣西南二十五里梁天監二年築置戍南臨瀝水橋故名

古屯城在州西寔宇記在徐城縣西南八十五里陳太建五年吳明徹於此置堰斷淮水以灌濠州緣此築城又淮南招義縣界有一城臨水南北相對亦同時築名爲屯城

拖城在州北三十里久廢又半城在州北九十里南北朝時置李干城在州西北寔宇記在徐城縣西北三十里後魏熙平元

年李干於此築城置戍因名

南重岡城在州西北簪宇記在舊徐城縣西北九十里通濟渠南一里平地隋大業八年移置重岡縣於此緣重岡山爲名十年築城隋末廢

僮縣故城在廢虹縣東北秦縣漢書灌嬰攻下相以東南僮取慮是也屬臨淮郡後漢永平元年封沛獻王子嘉爲侯國屬下邳郡晉宋至魏皆因之梁武帝普通五年徐州刺史成景儁克魏僮城齊周時廢水經注僮水首受僮縣西南僮陂東北流逕僮縣故城北寰宇記僮城在縣東北七十里明統志又有僮都城在縣北一百二十里卽漢之取慮縣

夏邱故城在廢虹縣東一里漢置縣寰宇記堯封禹爲夏伯此其故邑也縣因以名東晉初廢東魏復置夏邱縣於今治後齊

置夏邱郡尋移置潼州於此陳太建六年將軍樊毅克齊潼州是也後周爲宋州治亦曰夏邱縣唐武德四年分置虹縣於古虹城六年廢夏邱縣貞觀四年移虹縣治焉水經注淮水又東逕夏邱縣南

盱眙故城在今縣東北盱眙山之麓淮水之濱本秦縣阮昇之南兖州記盱眙本春秋善道邑左傳襄公五年會吳於善道史記秦二世二年項梁立楚懷王孫心爲義帝都盱眙許慎曰張目爲盱舉目爲眙城居山上可以矚遠故名漢置盱眙縣屬臨淮郡王莽改曰武匡後漢屬下邳晉初又屬臨淮義熙中置盱眙郡劉宋以後因之寔宇記縣在淮河南元學士曹元用重修縣治碑記盱眙縣舊寓慈氏山麓延禧庚申遷築東嶽行祠之右泰定四年縣尹李克中以縣治卑隘又遷臨淮府舊基卽今

治也縣志又有漢王城在縣東北三十里相近又有霸王城小兒城相傳皆項氏立義帝屯兵處或以爲漢縣治此

考城故城在盱眙縣西南晉義熙七年改盱眙縣爲郡分置考城直瀆陽城三縣屬焉宋齊魏因之隋初廢考城入盱眙縣志有古城在縣西南六十里接滁州來安縣界

淮陵故城在盱眙縣西北漢置縣屬臨淮郡後漢屬下邳國晉初仍屬臨淮郡永嘉後廢寰宇記古淮陵城在招信縣西北二十五里縣志在縣北八十五里今爲淮陵鄉

睢陵故城在盱眙縣西漢置睢陵縣在今江蘇睢甯縣界劉宋泰始中沒於魏因於淮南僑置宋志盱眙縣有睢陵縣宋末立是也尋復置濟陰郡後魏改縣曰睢陽改郡曰濟陽屬楚州尋復故北齊改縣曰池南尋復曰睢陵後周又改曰招義隋開皇

初郡廢大業初又改縣曰化明屬鍾離郡大業末縣民馬辨據縣自號化州後楊益德殺辨自稱刺史又分置濟陰縣唐武德七年仍改縣曰招義貞觀元年州廢省濟陰以招義縣屬濠州寔字記縣在州西五十一里古濟陰城在縣東二里北帶長淮宋泰始二年築置濟陰郡北齊河清三年水溢淹廢因於城西二里築城移郡理之卽今縣城唐初復於故濟陰城置濟陰縣尋廢宋建隆四年割屬泗州太平興國元年避諱改曰招信屬泗州建炎四年屬濠州紹興四年還屬泗州十一年改屬天長軍十二年屬招信軍元至元二十年併入盱眙縣志睢陵城在縣西五十里

富陵故城在盱眙縣東北漢置縣屬臨淮郡後漢廢史記高帝十一年淮南王黥布反東擊荆王賈賈走富陵卽此括地志故

城在盱眙縣東北六十里

焦城在盱眙縣西梁天監二年魏元澄南寇將軍王燮保焦城魏黨法宗等攻拔之進破淮陵卽此

直瀆城在盱眙縣南晉義熙中析盱眙縣置屬盱眙郡宋齊及梁因之隋初併入盱眙

公路城在盱眙縣西北寔字記在招信縣北六十里北帶淮水後漢建安中袁術所築公路袁術字也

魯縣故城在盱眙縣南魏書地形志淮陰郡有魯縣北齊廢寔字記廢魯城在盱眙縣南三十里

奔精城在盱眙縣西南寔字記在招信縣南六十里相傳是蠻奔精王所築唐武德二年置睢陵縣四年廢

龜山城在盱眙縣東北三十里宋文帝築

縣志作龜太武築

以拒魏隋

置濟陰縣卽此

九山城在盱眙縣西北魏書地形志鍾離郡朝歌縣有九山城  
千秋故城今天長縣治唐天寶元年析江都六合高郵置以時  
當明皇誕日故名七載更名天長縣志舊有甌城明初移其埽  
壁改建揚州城而縣惟存土城今東城外市三面皆有遺趾  
東陽故城在天長縣西北秦置二世時陳嬰爲東陽令史漢高  
帝六年以故東陽郡屬荊國元狩末以縣屬臨淮郡後漢屬下  
邳國尋改屬廣陵郡晉仍屬臨淮郡陳廢括地志東陽故城在  
盱眙縣東七十縣志作六十里天長縣志在縣西北七十里故址尙  
存俗謂之屈城

石梁故城在天長縣西北東晉置戍守處宋泰始中蕭道成破  
薛安都兵進屯石梁湖北議築壘其地是也隋書地理志梁置

東城涇陽二郡陳併二郡爲沛郡後周改郡爲石梁郡改沛縣爲石梁縣開皇初郡廢改縣曰永福唐武德七年又置石梁縣貞觀初省元豐九域志天長縣有石梁鎮卽故縣也縣志石梁城在縣西三十里俗名古城又有土城在縣東北三十里一名新城蓋齊時涇州治此或曰齊涇州在城門鄉

橫山故城在天長縣東南三十里梁置縣後周廢又有義城在縣南二十五里或曰梁時卽於此置縣

虹縣故城在五河縣西漢置埶縣屬沛郡後漢曰虹縣屬沛國東晉後廢梁武帝於此置貢城戍後魏復置虹城亦曰絳城陳太建五年吳明徹等克淮南絳城卽此周大象中省顏師古曰埶音貢水經注渙水又逕虹城南元和郡縣志唐武德四年於今縣南百里故虹城重置虹縣屬仁州貞觀十三年移於夏邱



城卽今虹縣而故城廢

五河故城在今縣南宋端平二年於五河口置隘使屯田淳祐四年呂文德敗元兵於五河復其城咸淳七年始置淮安軍併五河縣以淮滎滄沱潼五河合流而名舊有土城在縣南滄河南岸明永樂元年水圯徙治西北界嘉靖二十五年始遷滄河北卽今治又宋淮安軍城在縣東北二十里滄河北岸俗謂之故軍城

銅城在天長縣西北四十五里相傳吳王濞築城於此鑄錢邊軍城在五河縣東宋末夏貴所築今爲儒學

曹公城在五河縣南二十里明初曹國公李貞避兵淮西時所築

大屯城在五河縣南七里俗名大城坪又小屯城在縣西六里

俗名小城坪皆宋末屯軍地

先春亭在州城東北隅宋張守建歐陽修有記

婁亭在廢虹縣東北左傳僖公十四年楚人敗徐於婁林杜注  
僮縣東南有婁亭僮蓋春秋時徐城也

玻璃泉亭在盱眙縣治東第一山下有亭覆焉爲十景之一宋  
張耒有詩其旁又有起秀亭亦名會景亭

牛搏虎碑亭在天長縣西郊外嶽廟今亭圯碑移於廟

挂劍臺在州北一百二十里寔宇記在大徐城北臨朱沛水相  
傳爲延陵季子挂劍處舊志有土阜類臺卽徐君墓也每水漲  
周圍浩渺此地不沒其里名掛劍鄉舊說或入於邳州或入於  
徐州皆誤也

八仙臺在盱眙縣東三里明統志上有八仙坐石坐處有石基

枰爲十景之一

望夫臺在天長縣西南三里相傳有女子望夫不歸立化爲石  
弩臺在盱眙縣東一里寔宇記宋元嘉中臧質守盱眙以拒魏  
師魏人造弩臺以射城中卽此

隋離宮在州北青陽鎮西十里相傳煬帝所建俗名花園

都梁宮在盱眙縣南寔宇記在縣西南十六里都梁山上周迴  
二里隋大業元年煬帝建離宮四十餘所此其一也十年賊孟  
讓於此置營宮遂廢宮之西有流杯殿釣魚臺四望殿其側有  
曲河以安龍舟大舸

翠屏堂在盱眙縣東玻璃門外起秀亭前宋陸游記方國家承  
平時邊郡游觀有雅歌之堂萬柳之亭而翠屏之盛又非雅歌  
萬柳之所可及也

朱壽昌故里在天長縣東南四十里秦蘭鎮

韓信壇在州東七里寔字記信屯兵處也

樂安鄉在廢虹縣東北漢書匡衡傳封僮之樂安鄉侯南以閩  
陌爲界初元元年郡國誤以閩陌爲平陵陌多田四百頃蘇林  
曰平陵陌在閩陌南也

蒲姑陂在廢虹縣北左傳昭公十六年齊人伐徐至于蒲隧杜  
注取慮縣東有蒲姑陂是也

瞿家灣鎮在州北七十里安河鎮在州東北六十里青陽鎮在  
州北一百三十里吳城鎮在州北百十里通海鎮李氏說泗州  
地皆金設也

竹垭在廢虹縣東北七十里淩河岸

分金店在州西三十里相傳管鮑分金處

下阿村在天長縣東北下阿溪上接高郵州界卽晉時三阿唐光宅初徐敬業拒李孝逸於下阿卽此寔字記唐開元二十九年於下阿村置千秋縣蓋本屬高郵唐時乃割屬也

三臺寨在盱眙縣西南三臺山宋建炎中劉綱保聚於此元末定遠豪王弼亦結寨其上

鮑家寨在天長縣南五十里又顏家寨在縣西四十里相傳皆是宋高宗南渡所築

李制使柵在五河縣東二里橫跨河口水咸瀉五年兩淮制置使李庭芝所立石基尙存橫跨河口水涸始見

水晶營在盱眙縣東南十里外連互數十里相傳隋煬帝設此糜畷在天長縣界博物記云東陽縣多糜食草根其處成泥名曰糜畷居人隨此畷種稻不耕而獲

浮山堰在盱眙縣城外梁天監中築堰遏淮水以灌壽陽南起浮山北抵嶢石極丁夫之力百計而成宋秦觀有梁堰賦

紅羅障在盱眙縣西七十里明太祖生時取水浴之忽有紅羅一幅浮來卽取以爲襁褓後人因名其水

古鐵橋在五河縣東南二里淮河中流水涸時見兩旁有鐵柱聖水在盱眙縣六十里相傳漢高祖禱山得水飲軍士於此因名

支祁井在盱眙縣東北下邳山寺後卽大禹鎖水神處有亭覆其上縣志一名聖母井

了溝在天長縣東舊傳韓世忠於此破敵

第一山碑在盱眙縣堂東壁宋米芾書

秦橋山石在廢虹縣東陡門山產美石宋都汴時采石於此

重修安徽通志卷五十四

輿地志

壇廟

古聖王先成民而後致力於神祀典之設凡皆以爲民也風雲雷雨山川社稷先農諸壇民生之所瞻仰而庇賴報功崇德率土攸同若乃法施於民以勞定國以死勤事禦大災捍大患其有合於祭法者則各視郡邑之所宜而廟祀之

國家典隆祠享

治洽幽明諸所建修飭有司將事吉蠲春秋匪懈粢盛遵豆感格馨香夫是以民和年豐而神降之吉也非是者謂之淫祀淫祀弗福康熙五十年十二月丁卯

諭以除原有寺廟外其創建增修永行禁止舊志寺觀別爲一門相沿

已久姑附錄之述輿地志壇廟

安慶府

社稷壇在府治正觀門外歲以春秋仲月戊日致祭

神祇壇歲以春秋仲月諏日致祭中設雲雨風雷之位左設本境山川之位右設本境城隍之位舊在東郊爲壇乾隆六十年布政使周檉始建祠於龍王廟旁專祀風雲雷雨之神

先農壇在府城東五里雍正四年奉

敕建有耜田四畝九分歲以仲春亥日行耕藉禮咸豐中燬同治十三年重築

文廟建置詳學校

關帝廟在府治集賢門內雍正三年奉

旨追封三代公爵春秋同日祭於後殿咸豐中燬同治十年重建



文昌廟在府治樅陽門內嘉慶六年奉

旨仿關帝廟一例致祭

城隍廟在府治鎮海門內同治八年前署巡撫吳坤修捐資重

修附吳坤修碑記國新秦文恭公有言祈報之祭達於王公

惟城隍且其義其扶與社稷類而威靈赫濯奔走巫祝為民物

之保障官吏之所倚庇其功較社稷為鉅易泰之上六城復於

隍禮記天子大蜡八水庸居七水隍也庸城也此古者祭城隍

之所由始也安慶府城隍廟舊在康濟門內其神著績於元明

之開國朝崇德報功血食罔替咸豐二年粵賊犯順廟燬於

火廳堂庶序鞠為茂草明禋弗共神恫民怨今

極海嶽向風萬神受錄諸將帥戮力同心迎平江表遂清淮何

余以菲材承乏茲土而兵燹迭經庶事草創官失其次吏曠於

野其何以揚偉績而垂永久既已鳩材課工作新廟宇凡百庶

日功施於民則祀之城隍之功肇於水庸隆於昭代且修廢

舉墜官茲土者之職志也爰乃詠吉簡徒即廟之舊基而加飭

焉經始於七年之夏竣事於八年之秋民賴神庥役不再藉論

與以崇性牢載薦令甲凡府州縣城隍之制縣視伯州視侯府

視公安慶大府也神之威靈尤著元至正間監起賴六皖民卜

戰於神戰屢捷城賴以完於時余忠宣公宣慰淮西為請於朝

宣冬之改直志卷五十四與地志壇廟

安慶府

明年報下升神為王其號顯忠靈佑故自明至今仍舊稱云神  
既屢施於民民虔事神歲五月之望民以為神誕日也鼓吹前  
導與神而出士女錯襟禱祈恐後往歲盜竄楚北潛太告警余  
有神約戰守之宜封圻之任余與神當分任之未幾盜散去若  
有陰為助者吁神之威靈其信著矣哉廟既成因次第其事鐫  
之麗牲之石並繫以詞曰駢畫戟兮華堂冕而衮兮繡裳軒眉  
兮河目氣凜凜兮扶人綱極貪墨兮驅除不祥皖山嵯峨兮皖水  
澄清神降福兮劫運平真神居兮神式憑願我神兮終惠屢豐  
年兮樂歲次兮擊鼓鐃鐃鳴兮鬼魅跳舞兮何為展令  
辰兮祝神嘏龍筭兮鳳笙神輦輕兮霞舉期遷修兮江之清神  
正直兮孰敢侮日將夕兮月橫波送神歸兮雲和酒載薦兮雙  
卷荷神樂飲兮朱顏酡千齡  
兮曼壽室門不扃兮神佑

龍王廟一在集賢門內乾隆三十二年巡撫高晉建嘉慶八年  
巡撫阿林保重修一在大龍山前明成化二十年建

國朝康熙十年知府姚琅修構亭於龍湫前曰雨蒼道光四年巡  
撫陶澍禱雨屢應重新其廟且即雨蒼遺趾構浮澤亭以答靈  
貺咸豐中燬同治十三年重建

火神廟在樅陽門內

劉猛將軍廟舊在城東江畔為八蜡廟雍正七年遵建祀八蜡之神

詔祀劉猛將軍因并祀於內乾隆十年奉文停蜡祭稱劉猛將軍廟五十二年布政使陳步瀛重修後圯於水道光三年巡撫陶澍改建於城東帥字墩四年恭奉

御書神參乘昇扁額

附陶澍記古者八蜡有貓虎與昆蟲所謂昆蟲即

載記如開元中貝州白鳥食蝗平州羣雀食好妨蟲乾祐中開封鶴鵠食蝗見於西陽襍俎漢賈錄諸書又金史載河微在定武山堂肆考載蕭修在泰州元成宗在揚州皆有羣鳥食蝗之異而蛙能食蝗故禁捕載於欽定淵鑿類函說者謂江淮間俗祀青蛙即祭昆蟲之謂矣雖然昆蟲固能食螟螣而所以能食者則非昆蟲之謂而神有以使之也如貓如虎類非人力所能驅遣矧無知如蛙鳥者哉道光四年夏鳳都蝗廬鳳道戴君聰鳳陽府程君懷環督州縣捕之甫淨已而復起閏七月十一二日余偕藩臬諸公虔禱於省城劉猛將軍廟其時飢州之灰古堆蝗最甚知州蘇元瑤集民夫往捕但見青蛙無數食

蝗且盡又有鳥雀數萬名曰練羽鵲在懷遠西界食蝗均一日而盡既得道府報因以其事據實入告聖心欽感

御書神參乘界四大字命臣謝恭製局額懸之神廟

先是神祠在城東江畔雍正七年奉敕建乾隆中方伯

陳公步瀛重修因水闕圯馬片瓦不存道光三年謝基改建

於城東三里帥字墩之西前大江而後龍山左右倚層阜為股

肱至是仰崇賜扁復擴而大之規制益備歲以正月十

三日由藩司致祭冬至後三戊日撫臣率屬報賽蓋卽周禮蜡

祭時也供惟我國家對元陳樞太和翔洽偶有災眚旋卽消

殄至德之感孚無遠弗屆而百神效命遂有莫之爲而爲者其

在詩曰田祖有神秉畀炎火秉畀者人而歸之於神者明神之

能使也然則蛙鳥之來非神之爲而誰爲天章揭之神之彰

彰明已足安可以無紀哉神名永忠吳川人元末授指揮使嘗

揮劍驅蝗蝗飛境外元亡白沈於河因封今號見於降靈錄而

怡菴禱錄謂宋江淮制置使劉鈞因驅蝗理宗時封揚威侯天

曹猛將之神二說皆可徵伏查大清會典主降靈錄故廟額

仍題劉猛將軍云

昭忠祠在學東嘉慶九年遵建祀從征教匪陣亡官弁兵丁鄉

勇

厲壇在集賢門外以上壇廟所屬縣俱如制

旗幟廟在各衛所

東嶽廟在樅陽門外

藥王廟在鎮海門內

馬王廟在城中今廢

大王廟在正觀門外祀宋秀才謝緒秀才讀書金龍山宋亡自沈明興助順封金龍四大王以其行四也

四賢祠在正觀門外祀宋監察御史知舒州事游酢尙書左僕射知舒州事李大綱大理寺丞知安慶府事黃幹工部員外郎知懷甯縣事喻樗

山谷祠在縣學前卽山谷書院也祀宋黃庭堅

四忠祠在府東祀宋通判孫知微夏椅明總兵陳龍參將潘可大又附祀宋統制范勝等元都統制程宗義等明潛山知縣李

印嘉參將王培基遊擊張其威等三十四人皆守城殉節者

郡伯祠在馬王廟左大節祠在西郭外山麓忠臣祠在康濟門

外均祀元郡守韓建附明徐傑請祀奏議忠貞元封幽國公諡

本郡城西郡治東祠爲有司朔望調拜歲時致祭之所而守臣

韓建不與焉臣考闕所著青陽文集大節堂記內載宗正郎中

韓建守安慶始末所以韓建之懿美於無窮也復考元史并闕

死節本末一則曰守臣韓建一家被害建方臥病屬賊不屈執

之以去不知所終一則曰總管韓建舉家被害建去不知所終

執之以建屬賊不輟求死甚急賊不殺以戶屬昇去不知所終

竊以爲韓建之在當時力疾固守其大節如彼被執之際病不

可爲猶且屬賊求死其不屈如此賊昇之去雖曰不知所終必

不肯屈節偷生以苟免也且建守於前闕繼於後實爲一體闕

已蒙表揚得乃落祭而守臣韓建完城戰守精忠大節似與闕

亦相頡頏今乃落祭而守臣韓建完城戰守精忠大節似與闕

一視之仁乞教禮部計於本祠內添設建木主一位庶歲時有

事於闕而建得與一爵之榮使盡節於前代者不泯其善陰受

夫國家之思而守土於將來者亦有所激勸思奮其報效之義

矣下禮部可其議舊按後參政郭維建元守臣祠一名府主

廟卽今之郡伯祠郡守胡嶺宗又訪得公遺骸瘞於康濟門外

江濱其墓建祠於上卽今韓公祠也康熙間郡守劉樞重修

乾隆二十四年王鳴又重修始撤木主易以像言韓公遺像二

一在邑西關外一在太湖者舊傳聞在太湖者惟肖命工倣而塑之

余忠宣公祠在府學東祀元右丞余闕以韓建李宗可配附祀推官黃突倫以下二十二人皆從闕死節者又正觀門外忠

臣廟專祀余闕闕與烈夫人墓即在後附斬輔重修祠記從來

之氣上貫日星下鍾河嶽非細故也是以聿追大節者必崇廟

貌而禮祀之豈僅曰報此孤臣哉蓋乘彝之良人所固有苟以

對越以往哲而於瞻拜肅將之下輒多鼓動拔起則禮祀之香皇

正所以維人心培風俗也皖固古舒州地自漢以來名賢之蒞

節茲土者未易更僕數逮元忠宣余公以敦詩說禮之儒膺兵

節折衝之寄且當劇寇蜂起勢若鼎沸公乃嬰孤城僅勝民兵

數千大呼偉哉且屠餘戰每出其神智以摧敵鋒敵無不愕眙取

者鳴呼偉哉且屠餘戰每出其神智以摧敵鋒敵無不愕眙取

棘中即脫粟饗士士無不敵愾一當百者尤夏夏稱難焉及聞

歷六載江淮鱗雉皆解甲應賊於是蟻附日益夥城中之矢

竭而陷公慷慨罵賊自刎賊義感之嗚呼烈矣哉說者以公之

奇略純忠雖史乘不槩見謂惟陽張中丞可與頡頏者自哉

言乎及公既自靖而夫人蔣氏復率其子女視死如歸且一時

麾下士憤激自殺者一千餘人則蹤追岳鄂而氣壯田橫矣嗚

呼異哉予撫皖六載每公餘按行公壁壘遺址慨想見其為人

輒低徊留連不忍去於是考公廟祀之典實載於皖志題自元

至正以迄於今歷三百餘年勿替皖人士多悲歌感憤者皆公遺澤也乃閱歷既久虎觀樓櫺不無風雨飄搖者予念公忠義之氣與日星河嶽同其巋麗豈必以廟貌之輪奐而後妥厥靈爽哉惟是人心之觀感實關俗尚之污隆夫以公廟貌嗟使肅容展拜者咸激昂而知所勸其有裨於風聲不大且遠耶於是檄皖郡劉守鳩工倡新之而好義梓應遂告竣於丁巳之季春劉守拂貞珉請予爲之記因灑筆而書之有如此

烈夫人祠在忠宣墓旁祀余闕妻及子德臣女安安

文武宣力祠原在忠節坊忠宣祠東祀明知府張文錦指揮崔文後廢

國朝康熙五十九年知府張楷移建忠臣廟烈夫人祠前設主奉祀益以同知林有祿通判何景暘知縣王誥守備楊銳檢校張珂教授姚諒均扼宸濠有全城功者

忠義節烈祠在府東樅陽門外迎江寺側同治七年

敕建祀殉節粵逆之難帶兵大員暨官紳兵勇士民婦女



李公祠在康濟門外祀巡撫李猶龍

靳文襄公祠在正觀門外忠臣廟左祀巡撫靳輔

徐公祠在忠臣廟右祀巡撫徐國相

張公祠在清涼菴後祀巡撫張朝珍

曾文正公祠在府署東阜民坊雙蓮寺舊址祀總督曾國藩

王臧二公祠在城隍廟右原名王公祠祀知府王廷賓後增祀

知府臧榮青

劉公祠在縣下坡祀懷甯知縣劉效曾

朱司農祠在桐城縣西祀漢朱邑

吳烈侯祠在桐城縣西祀唐張孚卿

徐常侍祠在桐城縣西連城山祀南唐徐鉉鉉常以直言貶舒

州故後人立祠

方斷事祠在桐城縣東門內祀明靖難死事方法

左公祠在桐城縣東祀明左光斗兵燬重修

張方伯祠在桐城縣南門內祀張秉文兵燬重修

方明善祠在桐城縣東祀明方學漸

寶將軍祠在桐城縣舊書院祀明義烈寶成附姚文然記標營

寶公諱成蜀人也以勇烈聞身長七尺刺鬚若神在將軍廖應

登麾下以死存桐邑人德之歲時伏臘俎豆不絕村張小子

平生不識公作何名狀過必拜曰我寶公也及見公或稱之以

其髯曰髯將軍云初逆賊獻忠之掠江北也應登承命皖撫以

兵三千防桐一日公從應登將百餘人之廬州道經舒城方解

鞍惡息而游騎卒至乘其無備劫之去賊挾應登抵桐俾招降

桐人是時皖之諸縣大率皆破所存者惟懷甯及桐城而已而

皖撫玩寇援師不出城中無蓄積軍民飢死者相枕籍賊騎益

增四合如山人無固志賊謂應登曰汝卒中有為我招降守兵

者乎以公對公謬許諾一無難色陽陽如平常賊以公先四賊

左右夾之曲刃鉤之直兵推之公悅首徐行至城下忽仰而大

呼曰我寶成也賊迫我招降汝輩但努力固守慎勿降賊連日

穴城城山根活石不可穴也且火藥已盡言未卒賊大怒以刃

碎其首支解之至死馬不絕口桐之守吏將聞之曰寶成小卒

也猶不爲不義屈況在位食祿者乎并力禦守時城守有林構者絕城下晝夜兼行數百里乞師於鳳陽總鎮黃公得功鄴身於地哭不絕聲黃公義之星馳赴援賊敗走大軍追之獻忠馬蹟幾獲焉城所以全者本公一死之力也賊既退臬使張公亮至桐泣祭建祠立主於桐之西書院曰實公祠矣已歲秋文學江君之漢爲之塋像勒石焉甲午春予至祠拜其像其長老爲言之若此嗚呼公小卒也而桐人皆公之豈非孔融所謂公者仁德之稱號不必三事大夫哉然則聞公風雖遠迹足以自振況拜其像觀其容貌者乎乃爲之記

黃公祠在桐城縣西門內祀明黃得功明季援桐剿賊桐人德之故立祠兵燬重修

史公祠在桐城縣治西祀明閣部史可法兵燬重修

姚端恪公賢良祠在桐城縣城內東街兵毀公裔於城西後街改建

多公祠在桐城縣城外太霞宮舊址同治八年建祀荊州將軍多隆阿

昭忠祠在桐城縣城多公祠左同治八年建祀死事殉難官民  
徐勇烈公祠在桐城縣城內同治十三年建祀湖北督糧道徐  
豐玉

皖山祠在潛山縣北門內祀皖公山神寔宇記謂卽周大夫皖  
伯之神也漢立天柱山南隋大業八年懷甯令辛公義移就皖  
水之陰吳陂堰側號曰吳陂神祠今燬

伍員祠在潛山縣北今燬

忠節祠在潛山縣東門內祀漢邴原今燬

忠義祠在潛山縣北百五十里同治八年建祀陣亡士民

周瑜祠在潛山縣久廢

吳陂祠在潛山縣吳陂神祠之東唐開成五年刺史鄭穀別立  
以祀魏劉馥吳呂蒙馥開吳陂溉田蒙鑿不通水注田三百餘

畝後人思其德故祠之

北神廟在太湖縣南六十里祀楚屈平

文孝廟在太湖縣治東北祀梁昭明太子蕭統今燬

狄梁公廟在太湖縣三十里祀唐狄仁傑今燬

棠梨廟在太湖縣西十里祀唐張巡咸豐間燬同治六年重建

大節祠在太湖縣北門祀元守臣韓建

雷介公祠在太湖縣西三里祀明雷縯祚今圯

五穀廟在宿松縣西北二十里祀神農后稷

河西廟一名張公廟縣志作大王廟在宿松縣治東祀漢縣令張何丹

白雲祠在宿松縣南八十里涇江口祀唐狄仁傑

景祐廟在宿松縣東南三十八里祀唐張巡許遠宋岳飛

神女廟在宿松縣小孤山下宋陳聞夫詩山存孤獨字廟墟女

卽形過客雖知誤行人但乞靈明洪武永樂中皆嘗遣官致祭  
惠民祠在宿松縣治北祀明巡撫彭韶知縣邢旭謝鎮孫衍施  
溥熊廷棟與

國朝總督于成龍

忠潔王廟在望江縣雷港鎮祀楚屈平

姚太尉廟在望江縣北七里岡祀晉太尉姚顗

三孝祠在望江縣北門祀晉王祥孟宗唐徐仲源

何無忌廟在望江縣寔宇記無忌爲宋鎮軍尋陽太守戰歿於  
此因立廟

忠烈祠在望江縣治祀唐張巡許遠雷萬春

魏大夫廟在望江縣北祀唐縣令魏信陵

忠節祠在望江縣治西祀明邑人王之慶

方公祠在望江縣公名法明桐城舉人官四川斷事燕王入國不肯署賀表被逮至望江華陽鎮投江殉節其後人立祠祀之  
原本未載祠在何處而有後人立祠於此之句以意度之當指華陽而言  
昭忠祠在望江縣治北同治二年邑紳龍璇等建祀死事殉難官民

徽州府

社稷壇在府治鎮安門外

神祇壇在府治南門

先農壇在府治東門外雍正四年遵建

文廟建置詳學校

關帝廟在府城內烏聊山雍正五年奉

旨追封三代公爵春秋同日祭於後殿

文昌廟在斗山魁杓亭嘉慶六年奉

旨仿關帝廟一例致祭

城隍廟在府治南門內

龍神廟在府治溪南嶺下

火神廟在府治新安衛前

昭忠祠

厲壇在北門外

以上壇廟所屬縣俱如制

旗纛廟在各衛所

尚賢祠在府城南門外祀晉太守程元譚梁太守任昉徐摛明太守陳彥回孫遇張禎彭澤何欽張芹畱志淑王繼禮陶承學陳所學洪有助凡一十四人

蘭將軍廟在府城潮水門外祀隋將軍蘭亮亮鎮新安靖難有



功故祀之

忠烈廟在府治烏聊山祀唐越國公汪華有二武士介而立於門爲漢將軍毛甘神策將軍汪節甘歙人建安之亂嘗率眾保烏聊節績溪人仕德宗朝有神力二人與越國雖異世特以有功及材武故類祀之

張文毅公祠在府城烏聊山祀左副都御史張弇以湖南提督周天受祔

呂司馬祠在府城太平興國寺祀唐歙州司馬呂渭

顯忠祠在府城南街祀明靖難忠臣知府陳彥同參政鄭桓長史陳通

節烈祠在府城機巷口祀歷代節烈

世忠廟在歙縣西南篁墩祀陳將軍程忠壯公靈洗公之故宅

在焉宋寶慶中追封廣烈侯賜廟額曰世忠

飛布廟在歙縣北飛布山相傳寇亂主簿葛顯同縣丞率兵保障築寨此山土人立廟祀之唐天寶間敕諡明惠靈惠二神賜廟曰飛布宋嘉祐中各晉封公

忠靖王廟在歙縣北十里洪相山王姓張名卞滑人唐安史之亂與張許同死睢陽而史失其名宋政和乾道間加封王爵潭州南嶽廟有宋曾致堯撰碑

朱韋齋先生祠在歙縣紫陽山

先賢祠在歙縣祀宋周程張朱五夫子

三夫子祠在歙縣場田祀宋二程子及朱子

朱文公祠在歙縣紫陽山祀宋朱子

英烈廟在歙縣乳溪祀宋義勇錢繼錢翥紹定三年士民以捍

寇功陳乞立祠賜額英烈

六逸祠在歙縣巖鎮嶽廟中祀宋潘洋發方鶚明唐子彰余修  
趙汝弼王瑗

陸忠節祠在歙縣漁梁祀宋朝議大夫陸夢發文相國勝曰文  
章自昔傳青瑣忠節於今貫白虹

汪忠愍祠在歙縣城東祀明副使汪一中嘉靖四十年敕建  
倪公祠在歙縣河西祀明知縣倪元珙

孝女祠在歙縣南劉村祀唐章氏二女

孫王廟在休甯縣西祀吳主孫權

忠烈廟在休甯縣治東山祀唐越國公汪華宋紹興中知縣吳  
敦仁建今廢

江先生祠在休甯縣錦堂山祀宋江慶慶受學胡瑗歸隱於此

凌待制唐佐金尚書安節皆其高弟太守洪适立祠祀之

三賢祠在休甯縣南祀宋程秘程若庸程洙

陳定宇先生祠在休甯縣陳村祀元儒陳櫟附汪灝記蒼蒼者

決決者江水耶匹夫而峻節可師猶足以壽山川而享百世祀  
況毅然闢程朱之祕傳聖人之道皎皎於日星河嶽而功在萬  
世者哉定宇先生生吾邑藤溪後朱子文公五十有三載當是  
時學士分門立戶各逞奇附會羣起著述朱子之說日以失真  
而先生獨慨然發憤著四書發明書傳纂疏禮記集義諸書逾  
數十萬言句精字練務求合於中正以不失乎朱子之遺旨而  
後朱子之書若月之射於雲而復澈若泉之潤於沙泥而復澄  
若鑿治之鍛鍊夫兼金而光芒更熒此揭文安公所為有豪傑  
士之目而皇墩程學士且指為文公世適也豈虛譽哉先生故  
宅在藤溪山水間為里人所據景泰中族孫彥威率先生之五  
世孫曰洪白諸當事請釐正之以為祠祀先生正德甲戌燬於  
盜賊讀書講學之遺蹟又蕩為邱墟而不可憑弔矣家京兆涓齋  
賢讀大史王君復與其族與復之然而積歲既久滄桑變移先  
先生以理學世其家當其山詞林為諫官也首疏請復先賢祠  
字而先生之祠預焉蒙俞旨命所在地方官修復而先賢祠  
生後裔不欲重煩縣官帑相與僇力鳩工未期年而祠復成嗚  
呼世之富貴薰灼動名赫奕力足以使斯人為之祠以張其崇  
盛者非不丹碧競煥燦日凌雲乃未轉盼而荒煙蔓草忽為狐

鼠嘯聚之宅物換星移渺無復有過而問焉者先生以一布衣  
未有所設施於時而後之人謀所以尸祝之者屢廢而屢興迄  
遙數百年迄於今弗替何哉楊墨佛老之餘非我朱子接踵周  
程以力爲表暴則孔孟之道不明而生朱子之道亦不彰固宜其  
翼其傳義於雜學異說紛紜之日則朱子之道而又何疑於一  
生則榮而歿則思以與文公並不朽於天壤也而又何疑於一  
祠余小子廢解章句卽傾佩先生箋釋既幸先生之近出吾鄉  
兼喜其祠之復建以有光於粉榆也因泛舟藤溪拜先生於新  
祠而爲之記

吳將軍祠在休甯縣東里祀元季保障新安明武毅將軍吳良  
程襄毅祠在休甯縣南山巷左祀明尙書程信

程宗伯祠在休甯縣車田祀明尙書程敏政

汪文毅祠在休甯縣中街祀明殉難翰林院檢討汪偉暨其繼  
妻耿氏

經鋤祠在婺源縣大田祀漢倪寬以下諸儒

明經祠在婺源縣治考川祀唐胡昌翼

三賢祠在婺源縣治後祀宋周子二程子附明程敏政重修二

程夫子祠記走少於程氏譜中得雲峯胡氏所為兩夫子祠記

寅春既除先襄毅公之服因發書以告巡按侍御上饒婁公復書許之然切懼空言無補事實乃考訂兩夫子家世南北遷徙之詳以授教諭蒲田楊公元俾與諸生吳超孫兆輝等上之縣安成歐陽君方受上命為令諸務未遑獨以為興道善俗之首事既上之府府上之行亦為令諸務未遑獨以為興道善俗歐陽君之得請也與走躬相地於大成殿東得鄉賢祠遺址稍斥之廣五丈有奇長如廣之數而倍其半庀材召工擇縣之殷實者四人暨耆老蘇文玘夏文雅口監臨之諸人者能嚮風承德節縮浮費畢力於公家中為夫子專祠四楹又別為遺愛堂列祀宋丞相呂公大防下又別為鄉賢堂列祀唐御史中丞程公樸而下榜其門曰企德像主之制龕座之飾既堅既好屏一不具瑱工六月十七日訖工於冬十二月二十四日歐陽君宰俸屬賢師生行釋菜禮告成衣冠父老遠近畢集以為希闊盛事復見於今咸舉手相慶走惟兩夫子倡明斯道於河洛之間從遊之士比隆鄒魯然獨龜山楊氏以江南諸生號稱高弟兩夫子嘗送之歸而有道南之歎蓋龜山三傳得文公朱子於吾郡之婺源則兩夫子道學淵源之盛在新安久矣據程氏譜兩夫子之先本梁將軍忠壯靈沈之裔見於歐陽文忠公碑至宋南渡而伊川先生子孫悉居池州一遷休甯陪郭之程互賞繼絕馬光祖守建康立明道書院又擇於池州房使奉明道之祀

今千五百餘年而鄉之人思之久而愈篤稽諸漢史吳芮始爲  
鄱陽甚得江湖間民心侯爲郡君所信任其得民心謀矣然則  
民之思之不惟其功而亦以其德乎其繼自今治於是邑  
者亦如侯之得民心則安知他日不以思侯者而祠之哉

文孝祠在祁門縣善和里祀梁昭明太子蕭統

雙忠廟一在祁門東石硤口一在祁山之陽祀唐張巡許遠

吳長史祠在祁門縣西祀唐縣令吳仁歡報始建邑也同治八  
年重修

三賢祠在祁門縣開門祀唐縣令吳仁歡路閔字恭代陳甘節

張金吾祠在祁門縣西祀唐張志和

謝將軍祠在祁門縣柏山源祀南唐金吾將軍謝詮宋裔孫龔  
州助教謝連等建

鄂王廟在祁門縣西四十里東松巷前祀宋岳飛飛嘗提兵起  
洪州經此後人因立廟祀之今圯

景賢祠在祁門學西祀宋儒方岳等後增祀元儒汪克寬

昭忠祠在祁門縣城內東街祀殉節知縣唐治巡檢鍾普塘及防剿官弁邑人陣亡者

賀將軍廟在黟縣南門外寨下祀三國吳新都太守賀齊討越中郎將蔣欽

文孝廟在黟縣西南五里祀梁昭明太子蕭統

胡太常祠在黟縣東南五里祀梁太常卿胡明星

薛公祠在黟縣治東偏唐廣德中建祀縣令薛稷宋端平初移建大門內並祀縣令鮮于侁

褒忠祠在黟縣盧村祀宋盧臣忠

董公祠在黟縣梓路寺祀明都撫董興

胡公祠在黟縣舊儒學基祀明知縣胡拱辰



四賢祠在黟縣東郭祀明知縣杜銓劉枏魏元吉周舜岳  
韓給諫祠在黟縣萬村祀明韓如愈

徽溪廟在績溪縣西北祀唐汪華第八子俊

乳溪廟在績溪縣北祀唐汪華第九子獻

張許廟在績溪縣九里阮祀唐張巡許遠

雙烈廟在績溪縣大石門祀唐南霽雲雷萬春

蘇文定祠在績溪縣新西街祀宋蘇轍

仰山祠在績溪縣東祀宋待制胡舜陟

表忠祠在績溪縣南祀明遼府左長史程通

二賢祠在績溪縣南門外祀明知縣許宏綱吳維魁

侯公秉義祠在績溪縣徽溪橋上順治三年建祀殉難知縣侯

憲武

甯國府

社稷壇在府治西郊

神祇壇在府治南郊

先農壇在府治東門外雍正四年遵建

文廟建置詳學校

關帝廟在府治鼇峯雍正五年奉

旨追封三代公爵春秋同日祭於後殿

文昌廟在府學東嘉慶六年奉

旨仿關帝廟一例致祭

城隍廟在府治西南

龍神廟

火神廟在府治薰化門

劉猛將軍廟在府治北關外

昭忠祠在府城隍廟門左嘉慶八年遵建祀陣亡兵丁陳明周等

厲壇在府治北郊

以上壇廟所屬縣俱如制

東嶽廟在府治西北

楊四將軍廟在府治北門外

項王廟在府治嶧山下項羽駐軍於此

敏應廟一名梓府君廟在敬亭山麓祀廣惠王之神南宋元嘉中建

七賢祠在敬亭山原名五賢祠祀南齊謝朓唐李白韓愈宋晏殊范仲淹後增明張慎言姜埰爲七賢祠

魯府君廟在宣城縣南五十里錢村祀唐梅知巖

隋末大亂知巖有保障功

故廟

昌黎祠在舊州學內祀唐韓愈

張侯廟在府治水陽南二里祀唐里人張構廣明初築隄捍禦水災者

東平廟在府治祀唐張巡

三聖廟在府治天慶觀左宋建炎中叛寇戚方攻城急知州事李光於城南見三神人爪指長逾尺

焚香祝之敵反擊遂遁去光爲立祠

義烈祠在府治北門外祀宋赤心隊將劉晏建炎中叛寇戚方圍城急郡守李光

招晏赴援戰死因立祠祀之

褒烈廟在府治西門內祀宋知宣州事李光

陵陽廟在府治北李白詩上有琴高水下有陵陽祠久廢宋紹興中

神示夢張守城得不沒郡人德之立廟山麓

張公標紙廟在府城北五里宋建炎間知宣州事張果夢神語城將陷沒果抱箱入水死民斂而

與之標  
紙於此

六先生祠在舊州學內祀宋周子二程子二張子朱子

文丞相祠在府治北門外祀宋文天祥 附明宋儀望記 萬曆二

命鎮撫南畿以十有一月行部宣州宣守若令具言宋丞相信  
國公文山先生以咸淳五年差知宣郡既下車諸所罷舉咸切  
民隱春和省耕作爲農謠令歌之以勸既得代猶惓惓與父老  
子弟陳說教化百姓戴之去之日爭釀錢立祠以志不忘今宋  
亡且三百年父老子弟每言丞相事輒泣下願祠廟遺缺無以  
慰邦人之思守土之謂何是用蚤夜經營擇地於宛陵驛故址  
蓋日興工棟宇維宜寢堂既列丞當威備越七月祠乃告成以  
不佞爲公鄉人考先哲舉賢祀獎忠烈又撫臣職也守若令相  
率頓首願有記以示久遠予喟然歎曰公之忠大矣海隅荒服  
聞其名猶知敬慕況過化之區乎孺子懦夫一及當時事怒髮  
豎指涕洟沾襟況冠裳之儒乎按祀典以勞定國以死勤事法  
施於民裨大忠興大利備此五者宜莫如公是宜養有廟食  
有爵秩褒有號諡茲舉也於法爲崇報於義爲勸忠雖予之不  
文將焉辭之嗟乎自宋之季世文武忠盡謀度罔庸奸黨掠邪  
阻弼解售二者相乘竟至滅亡予嘗考其終始公自責祐登第  
卽慨然以國家白任宦者董宋臣用事上書乞斬之既又極言  
其罪皆不報賈似道當國屢抑公不用年未逮強遂抗章致仕  
去咸淳閒稍遷提刑尋知贛州當德祐之際勢凜凜矣公以羈  
重修安敷通志卷五十四 興地志 壇廟 七 南國府

旅孤臣倡義起兵勤王詔下輒提師入援夫以新合之眾富乘勝之師值危亡之運爲扶危之計不俟智者辨之矣國存與存國亡與亡公之心何心也既至臨安卽又上書乞斬呂師孟尋陳說大計分天下兵爲四鎮置都督以統御之使敵分而弱我乃可制此其計明甚執政陳宜中諸人猶扼公所言不得用既知平江極力經營軍聲稍振會蜀松關破亟召公援臨安三吳尋交城降假令公不去吳堅守大郡以固藩籬敵雖張必恐我乘其後乃又趣公以去門庭不戒室以危天之所廢誰能違之嗚呼悲矣論者謂公早年勇退投閒自放有謝安石之達像既上書乞斬宋臣師孟有朱雲之勇孤軍赴援力謀社稷真州之脫空阮之敗循州之執艱危萬狀誓死不悔有顏魯公之節燕京被陷從容義命顧問慙慙對如禮有箕子之貞既趣柴市南澗再拜臨刑自若有北干之義蓋公之志可以塞宇宙公之忠可以貫日月史臣謂公一死收宋室三百年養士之效豈不然哉予因撰次公事而述厥赫赫者以昭示後來亦宣人之志也部守以下咸書名左方以見祠所由始云

汪公祠在府南郭祀元汪澤民附明王恕記節此人之所難是全

人也雖死猶生令名無窮焉食生畏死不顧名節此小人之所爲是人也未聞終不死不善之名無窮焉公姓汪氏諱澤民字叔志登元延祐戊午進士第官至集賢直學士以嘉議大夫禮部尚書致仕公既歸築室宛水之濱讀書自娛富紅巾餘黨寇宣州之日公爲江東部使者道守城禦寇之策十餘事寇再至擊退已而長鎗叛帥鎮南班程述等挾兵渡江欲犯宣城或勸

公去之公曰昔江萬里寓鄆陽大軍偏城賊皆走散僧坐守以  
爲民望況宣民離合視吾去留夫何之後城陷萬戶丁堅使前  
終焉義執公偪降不屈遂遇害將死罵酋不絕口鎮南班等准  
服公名爲具衣冠以葬之事上於朝贈資善大夫江浙等處行  
中書省左丞上護軍追封譙國公諡文節葬在甯國郡東高  
峰山之麓因歷年滋久鞠爲茂草土人平治之藝麥其上成化  
丙午厥孫養龍訟於官同知劉誠嚴責之爲封其域未幾誠遷  
去通判天臺陳紀得公神道碑於宋太史景濂先生文集申說  
諸知府涂觀欲爲治墳建祠勒銘於石慰答忠魂以爲天下英  
世臣子勲遂具以請余嘉其義而許之紀乃經營作石修塋城  
勒宋太史所爲碑銘暨之神道造石橋於其前復於郡城南三  
里許市地建祠巡按御史江石孫弁出公幣五千金以助成之  
首事於癸卯春訖工於是年冬馳書請余爲記夫人臣之居其  
位食其祿任其事一遇大變臨大節或心無所主苟安一時之  
生而忘厥大義者往往有之求其見道分明視死如歸者幾何  
人哉公當謝事歸田之日無職守無責任聞寇至而不去以爲  
民望復爲部使者畫策以禦之及其被執偏降至死不屈此其  
所以難能也且其膺顯贈獲美諡流芳百世使人敬之慕之至  
於如此使公當寇至之時奉身以竄被執之時屈身以降不遇  
數年亦歸於盡人將唾罵之不暇又何贈諡敬慕之有紀於此  
舉固可謂知所重弁復助成其事可謂與人爲善者矣其所以  
爲天下國家推忠節勸風俗者不在斯乎因其請姑誌此與之  
俾刻石以示來者若夫公之文章事業與家世  
履歷之詳則有宋太史所爲碑銘在茲不贅

二烈清風祠在府治西南祀元烈女胡氏紀氏

俞公祠在府治大東門內祀明俞逢辰附明陳俊記略予按革

一時死事臣蹈湯火中甘心閭鼎鑊乃拊膺太息淚淫淫下暨見俞公周旋委曲抗節不附至殲身以殉輒又拊膺太息淚淫淫淫下暨淫下也或曰俞公死較黃觀方孝孺練子甯云何曰黃方諸公非建文臣耶身受簡迪川員職奔奏死何可辭譬左右手然一旦頭目腹心變手足不搔衛捧掖得乎即文皇彼食其祿自盡其心之語亦諒之矣至俞公燕臣也縱均之奉朝請然所委質者燕耳使俞公為文皇地亦胡病於忠哉卒從一而終不少諫徇嗚呼諸臣死建文易俞公死建文難諸臣死建文賊文皇疏俞公詠建文疏文皇賊此成仁取義難易親疏之辨之大較也故曰俞公死加諸公一等云然公與禮部尚書陳公迪俱宣人黃公觀即又貴池人方二三百里間同時死事者居其三歆豔千載震輝耀區豈崧嶽開氣江海精英獨一方鍾歆祠構城東孔道前大門練之垣中崇堂堂後即居羣子孫業儒者望之枚枚栗栗不古者過之歛以悲感時者聞之奮以激逐臣放子聞之愀然不欲生頑夫鈍士聆之低顏顙泚車將近而轅為之同也俞公名逢辰字彥章世居水陽西鎮里由洪武戊午鄉試辟燕府教授尋遷伴讀云

陳尚書祠在府學東祀明陳迪附明李默靖獻祠記昔我高皇時萬曆丁丑五月吉日

締造家邦



每以扶植綱常培養士氣爲務故雖勝國黨禁吠堯猶必曲宥之以示萬世人臣之義固以其安元元非此道無由也厥後懿文太子薨高皇已有倦勤之意永惟付託重計深懷隱憂左顧右卻賴有二三近臣爲之羽翼旣而靖難師興鍾篋不移市朝安堵則文皇帝有再安宗社之力然齊黃諸人自以身受國恩不救懷貳辭首抗疏宣城陳公迪與焉予時讀公事狀未嘗不掩卷而悲也按公以洪武乙卯舉京闈辟本郡學訓導嘗爲郡草萬壽賀表上覽而異之召拜翰林編修累遷雲南左布政使徵爲禮部尚書同受顧命時兵起國勢艱危公等力陳計畫南北相持者五年事既弗就公益抗節不遜遂并其子丹山等繫東市臨刑猶作五噫歌并詩至今讀之使人潸然淚下豈其忠憤所感思以頑民自待者也子糾之難忽死而仲請囚人固各有志不能以彼易此矣皇曰彼食其祿自盡其心又曰使子南尚在朕當用之聖人所以扶植培養之者甯有已時哉公死之日子孫子無咍類百餘年來宣人頗諱其事成化間邵守涂君觀稍祀公於故里尋卽湮廢使英爽之氣飄溢而無所依子甚悼焉嘉靖壬辰予以吏部郎謫判是邦至求其後得公五世從孫太學生大林者而問之故乃謀諸前守餘姚邵君晦具以狀白於巡按督學兩御史請復置祠春秋薦享如大司馬溧水齊公故事二公嘉許大林亦奉地來獻地當郡學之東公少讀書意也予更旁購他地益之中爲正堂奉公像以居又北爲浩然堂各翼以兩廡浩然北有方塘塘畔爲水中央亭其東爲井最前爲大門門東十餘步爲宛段大節坊凡篚彝庖福几榻百物畢備歲給祠除一人維祠據高臨曠宏麗瑰傑繼今而往庶幾其

無連壞云爾祠成郡中學者咸嘔吁慕歎相與致私愛於公而  
謚之曰靖獻先生遂因以名祠會予有持憲廣東之命乃大會  
郡僚屬大夫羣執事以中牢詣祠甯神而告成事嗚呼股有三  
仁其志不同其心安也不然死者復生生者愧矣由是以觀諸  
公情事夫又何疑乎是役也肇於甲午冬十一月甲申訖於明  
年夏六月辛亥其費與力並給於有司不以煩民而綜理出納  
則悉委諸邑民貢汝舟吳孟學二人者格勤靡懈又使太平吳  
琪佐之大林周旋其間多所規畫是用能集事以昭丕績均可  
謂勞也已矣

王文成祠在府治正學書院祀明王守仁

遺愛祠在府治小東門祀宋知宣州事張果明知府袁旭沈性  
及公祠在府治西祀明知府及宦

羅公祠在府治景德寺祀明知府羅汝芳

八賢祠在府治前祀明知府方逢時鄭繼之蕭良譽金礪王公  
彌周光夏

國朝知府管起鳳龔鯤

烈女祠在府治迎春巷口祀明烈女徐氏

陳雷二公祠在涇縣東南五十里祀三國吳縣令陳焦雷某

靈惠廟在涇縣治祀晉內史桓彝今燬

左王廟在涇縣柏山祀唐左難當附明張堯文碑記涇川為古

唐稱雄鎮蓋自有左戴國公始故今鄉賢祠首公予令涇躬親  
記事恆顧瞻公如在按志公生七歲能文長益神異隋末天下  
多兵民苦蹂躪公為總管夔夔之君子六十萬人願指  
帳下號長城焉肅公祐寇州城旦暮岌岌公堅營壁歲餘節旄  
不出公祐以孤軍深入圍乏且自解公分道擊之斬數大酋賊  
失險膽落荏苒虜衆之患凡百萬計一夕遁去唐封公剌史為  
九州長公整旅返旆從瓊溪夜渡柏山眾苦伏溽公祝天雪下  
尺餘士皆可扶縵樹櫺而居於原阪之間公謀築雉堞以為甯  
宇屬寐且醒忽有神告曰形勝已定盍起視國之公率麾下數  
十騎起行相山至潭下有一白龜出石穴從東南週圍西北公  
曰是神所告我者河山縈繞如帶如屏可亡虞保障矣遂築而  
城之題曰白龜城江以東安堵如故公之力也後被命與李靖  
尉遲敬德趙郡王孝恭等先後佩元帥綬戰敗巨寇削平潛逃  
及征遼蠻俘斬億萬天子嘉之賜封蘇國公食邑三千戶武德  
六年公薨葬太平龍門鄉松子嶺敕加王號並建祠於歙州諸  
邑民兩陽疾病禱輒應今石埭太平廟貌儼如也獨柏山祠歲  
歲收自志卷之十可輿地志壇廟

久傾圯而其基漸歿於衆僻者余雅重公爲葺飾鄉賢祠而以  
未復柏山祠爲數後代予者赤石陳先生念公有大功而廟祀  
下隆慨然欲建公裔孫左維垣曰此吾左氏始祖也何敢煩公  
費爰集族之賢且能者大用一磨等捐資清復舊基至以其事  
爭之郡縣監司鼎建新祠起自辛丑至十二月而落成焉請記  
於余余雖去涇未嘗一日忘涇則未嘗一日忘公之有造於涇  
卽不獲親持斗酒豚醢以歲時伏臘走宇下猶及以言藉公傳  
之貞珉余心猶視公如在己公諱匡政號維垣則咸豐間廢今修  
入代代多以科第通籍稱文獻世家維垣則咸豐間廢今修  
博習經史而善歧黃術因記公而併及之云

汪王廟在涇縣西北孤山高嶺祀唐汪華

李翰林祠在涇縣袁山祀唐李白

集福廟在涇縣治祀唐張巡今燬

西峯大聖廟在涇縣東荆竹院遇旱蝗祈禱輒應

承流府君廟在涇縣南四十里祀承流山神

香心夫人廟在涇縣東六十里祀唐烈婦洪勝可妻梅氏

王公祠在涇縣永西精舍祀明王守仁

劉公祠在涇縣治北祀明知縣劉世亨

李公祠在涇縣東郊祀明知縣李邦華

節孝祠在涇縣治北道光開

敕建今燬

忠義祠在涇縣治北咸豐間

敕建今燬

周太保廟在南陵縣北六十里祀吳春穀長周泰今廢

甘相公廟在南陵縣治北祀晉甘卓

廣惠王廟在南陵縣工山下孝感祠在縣東十字街均祀晉孝

子何琦今廢

安賢祠在南陵縣開化寺後祀晉何琦唐張巡李白杜牧之宋

李經明吳景蘇仲芳久廢

徐公祠在南陵縣春穀坊祀宋學士徐勣兵燹同治間重建

陳公祠在南陵縣北關外祀宋丞相陳堯叟今廢

張公祠在南陵縣學東祀元義士張國岡今廢

吳公祠在南陵縣籍山橋祀明僉事吳景今廢

貞烈祠在南陵縣城隍廟東祀明貞烈女梅柏香汪德香何金妹今廢

沈公祠張公祠俱在南陵縣東義豐圩祀明知縣沈堯中張其孝今廢

徐偃王廟在甯國縣北二十里歲旱禱雨多應

宛陵侯廟在甯國縣署內祀三國吳大將軍宛陵侯諸葛瑾

梅魯王廟在甯國縣北七十里祀唐梅知巖

章四相公廟在甯國縣東八十里祀南唐宣歙鎮將章紹

義烈方公廟在甯國縣西三十里祀宋義士方致堯

東平廟在甯國縣西一里祀唐睢陽公張巡

英濟汪王廟在甯國縣廬嶺祀唐越國公汪華

程忠壯公祠在甯國縣五都祀陳鎮西將軍程靈洗

三賢祠在甯國縣東百二十里祀宋祕閣修撰吳柔勝洎二子

參政淵左丞相潛

兗州刺史廟在旌德縣東三十里祀漢蔣詡

俞將軍廟在旌德縣南十五里祀晉俞縱

威顯廟在旌德縣東北隅祀唐張巡兵燬同治七年邑人江桂重修

烈婦祠在旌德縣北門外祀明丁廷寶妻梅氏

劉公祠蘇公祠宗公祠俱在旌德縣北門外祀元縣尹劉性明

知縣蘇宇庶宗敦一

喬公祠在旌德縣水關門外祀明知縣喬明旃

忠烈廟在太平縣南祀唐張巡

名公祠在太平縣西祀宋令孫覺明知縣張瀚劉元凱

周恭節祠在太平縣治西祀明周怡

節烈祠在太平縣南祀羅趙等烈女十餘人